

## JEHOVAH-JIREH <sup>2</sup>



Ha re tsoe re sa eme, nakoana feela, re sa inamisa lihlooho tsa rōna.

<sup>2</sup> Ntate oa Leholimō, re motlotlo, bosiuang bona, ka monyetla oa rōna, ho tla hape tlung ea borapeli, moo re itlhahisang rona le mathata a rona ho Uena, hore U tšepisitse ho kopana le rona mona tlas'a Mali a tšolohileng. Eona feela nqalo e hlophisitsoeng eo Molimo o kileng oa e fumana eo moetsalibe, kapa mang a neng a ka kopana le Molimo, e ne e le tlas'a Mali a tšolotsoeng. Ka hona re tla ka Lebitso la Morena Jesu, ho tseba hobane U tšepisitse haeba—haeba re ka kopa letho ka Lebitso leo, e tlameha ho abjoa. Rea U lumela, Ntate. Thusa ho se lumele ha rōna. Re rapela hore phutheho ea rona 'moho, bosiuang bona, e be tlotlisong ea Molimo, hore Molimo a tle a hlomphuo, 'me Lebitso la Hae le hlomphuo har'a batho. Hoba re e kopa ka Lebitso la Jesu, Mora oa Molimo. Amen.

Le ka lula fatše.

<sup>3</sup> Ke monyetla ho khutlela mona bosiuang bona, le ho bona sehlopha se khabane sena sa batho se phuthehile kantle mona. Kea lumela, ba itse e ne e le pontšo ea mehlape. Ke tšoere likopano, haufi haholo, le libaka tsa mefuta eohle ho pota lefatše. Ke hopola kantle California, ke bile le likopano tse peli kapa tse tharo mono Cow Palace, ba e bitsa joalo. 'Me ho tloha boholong bo fapaneng, phaposinyana e tšoerang batho ba bahlano kapa ba tšeletseng, ho fihlela, be, kōpano e kholohali ka ho fetisisa eo re kileng ra e fumana ka mohla, e ne e le Bombay, likete tse makholo a mahlano sebokeng se le seng.

<sup>4</sup> Empa, Bombay, ntho e kholo, Morena oa rona o phosolitse batho ba bangata. Hola feela re ne re ka etsa hore likereke li sebelisane 'moho, ba ne ba ka nka Mahindu ao le joalo-joalo. 'Me e ne e hlile e le, seo re se bitsang, “ba sa lumeleng.” Ntho efe feela e sa lumeleng ho Morena Jesu Kreste, hoo re ho bitsa “mosalumele.” 'Me hantle-ntle ho bile le likete tse amohetseng Kreste, empa u ne u ka . . . o ne o sa khone feela ho ba fihlela.

<sup>5</sup> Hape mane Durban, Afrika Boroa, re ngolisitse mono, batho, ba likete tse mashome a mararo memong ea aletare e le 'ngoe, thapama e le 'ngoe. Moo, tsatsi le hlahlamang, ramotse, Sidney Smith, oa Durban, ka livene tseo tse kholo tsa Mabritshani tse ka bang supa kapa tse robeli li ne li phahletsoe li tletse liikokotlelo tsa khale le lintho tseo batho ba ikokotlela ka tsona, makholo a lima. Kapa, ba li tletsetse liveke, ba theosa hara meru, li jeroe. Li ne li tletse seo sohle.

<sup>6</sup> Ramotse a ntetsetsa, ho re, “E-ea sefensetereng sa hau se ka nqa Leoatle la India, kantle mane hoteleng,” ho re, “me u tla

bona seo u eso se bone pele.”

<sup>7</sup> 'Me livene tseo tse kholo ke tsena li qhobetsoe feela, seo re ka se bitsang, melangoana le liphaelete, le joalo-joalo, ho thota baratua ba bona ho tsoa sekhoeng. 'Me batho ba neng ba le holim'a tsona, letsatsi pele ho moo, ba ne ba setse vene morao, ho bina *Lumela Feela* ka puo ea habo bona. Ka sebele e ne e le pono e thabisang ho bona seo.

<sup>8</sup> 'Me ka mono lingaka li le teng. Bongata ba bona bo hlahlobile mathata, ho ikholisa hoba ba ne ba nepile. Ha re batle ho phatlalatsa letho, kapa ho hatisa letho, haese ha e ka kholisoa, e le 'nete. E tšoanela ho kholisoa!

<sup>9</sup> Ke sa tsoa fumana lengolo le tsoang ho . . . nakoana e fetileng. Le sa tsoa mphihlela. Ke sepeshelisi, ngaka e tummeng Indiana. Ke Mokatolike, ka tumelo. 'Me mora oa hae ke moprista St. Meinrad mona Jasper, Indiana. Enoa e ne e le Ngk. C. Ackerman. 'Me ha etsahala hore ke kopane le eena letšolong la ho tsoma, hang. 'Me esale a tsoma lilemo tse leshome le motso o mong, eleke. Ha a fumana e 'ngoe. 'Me bosiuang boo, ra lula hofihlela hora e batlile ho ba ea bobeli, re bua ka Morena.

<sup>10</sup> Ke utloile hoba ngaka ena e ne e le holimo mono kampong. Eitse ha ke fihla holimo mono, ke ne ke emetse ho bona motho ea khohlahetseng le ea monyemo. Empa ka kopana le monna ea khabane, oa mofuta o mosa. A nyoloha, ho re, “Na u Moena Branham?”

'Me ka re, “E, monghali, ke eena.”

'Me a tsukutla letsoho la ka. A re, “Ke Ngk. Ackerman.”

Ka re, “Be, ruri ke thabetse ho u tseba.”

<sup>11</sup> Ra qala ra bua ka Molimo, le ka moo haeba E kile ea eba Molimo, O tlameha ho lula e le Molimo, ho seng joalo ha E eso be Molimo. Ua bona? Molimo oa histori ha o a loka kajeno, haeba A sa tšoane ho batho kajeno joaloka ha A entse mohlang oo.

<sup>12</sup> Ka baka leo, mohlomong hora ea boraro, rona, oh, e—e lesupatsela la re tsoa. 'Me e ne e le . . . Ke ne ke supisa tsela, hape, re ne re tla nka leeto, re ise banna ba rona libakeng tse fapaneng moo re neng re tla supisa tsela. Tseleng e theohang, ka fuoa Ngk. Ackerman.

<sup>13</sup> 'Me tseleng e theohang, a ema, nakoana pele letsatsi le chaba. Ho bea letsoho la hae lehetleng la ka, ho re, “Moena Branham?”

Ka re, “E, monghali, ngaka.”

<sup>14</sup> A re, “Ke khotsoe ruri ka Jesu Kreste.” A re, “Ke na le moshanyana, u a tseba, ke moprista mona monastering.”

'Me ka re, “E, monghali.”

<sup>15</sup> A re, “Ke Mokatolike, ka tumelo. Kea kholoa eo ke kereke.” A re, “Be, kea lumela haeba—haeba E kile ea eba Molimo le ka mohla, Ke Molimo oa batho bohle.”

16 Ka re, “Ke hantle haholo. O bopile batho bohle. ’Me ka Mali a le mang O entse lichaba tsohle.”

17 ’Me a re, “Eya, monghali, ke lumela seo.” Ho re, “Ke balile libuka tsa lona.” A re, “Ke tšepa sena. Kea lumela, ha u ka kopa Molimo, ho mpha eleke kajeno, ke tla e fumana.” Ho re, “Ke tsomme lilemo tse leshome le motso o mong; ke khaoletsoa lifefong tsa lehloa.”

18 Ka re, “Ke tla kopa Morena ho u fa e ’ngoe, ngaka. Ke phetho seo nka se etsang.” ’Me eitse ha ke Mo kopa, ka mo rapella. Ke itse, “Ngaka, hantle ka hora ea borobong, hoseng hona, Morena o u fa e—e poho ea ntlha li hlano ea eleke.”

’Me a re, “Kea e lumela.”

Ke phetho seo a lokelang ho se etsa. “Haeba u e lumela.”

19 Ka hona, ’na le motsoalle, ra hloa leralla, ra sheba tšupanako. Ka hora ea borobong sethunya sa thunya. O ne a fumane poho ea ntlha tse hlano ea eleke. Re ile ra ea mo thusa ho tla le eona.

20 O tliša bakuli ba hae ho rapelloa. Hona joale ke tšoele ntho e ikhethileng, o na le bothata ba mofetše, mosali ea bolaoang ke mofetše, o rata ho fofa a kena ka mona. Empa ke ea hae, ka mor’a hosane, ka mor’a, letsatsi ka mor’a hosane. Ka hona ka ’molella, ho ema feela ho fihlela re kena ka mono, re tla rapella mosali ha re fihla mono.

21 Ka hona, le a bona, ba bangata, haeba ntlha e ka hlahisoa ho motho ka mokhoa o utloahalang! Pholiso ea Khalalelo ho builoe haholo ka eona, ’me bohlanga bo bongata bo hokeletsoe ho eona, joaloka linthong tse ling tsohle. Leha e le efe—mofuta ofe oa bolumeli kapa ntho efe feela, u fumana mahlanya.

22 Esita le ho Mohammedans, u a e fumana, le Mahindu. U fumana motho mono, moikaketsi oa khale ramatlae ho bahahlauli ba itseng, a robetse holim’a lithakhisa le lintho tse joalo, galase. Empa morao ka hare ho naha, ke monna ea hlileng a lumelang seo. Seo o se etsetsa sehlabelo.

23 ’Me—’me re fumana hoo ntho eohle. Re fumana bohlanga. Esita le moji oa lehlanya o ja haholo. Kapa, kapa, ntho efe!

24 Empa haeba taba e hlile e hlahisitsoe ka hara Lengolo, ha ho letho le ka khonang . . . Ke fumana lingaka tse lumelang ho feta bareri ba lumelang. Ke etsa joalo. Ehlile bo. Ho lumela ho feta.

25 Ke buisane le ba ha Mayos’. Haeba bohle le e tseba, e ne e le pampiring ka bophara, le ntho e ’ngoe le e ’ngoe. Le litlilini tse ntle tsa lingaka hohle. Ha ho letho. Ba e lumela. Ke—ke fumane lingaka tse tšileng ho mpoella, joaloka pušanong ea sephiri mono, ho re, “Ha re ipolele re le bafolisi. Re ipolele re thusa tlhaho. Mofolisi o mong feela; ke Molimo.”

26 Ba bakae ba balileng *Reader’s Digest*, ea Donny Morton e monyenyanane eo, ba e tekenile, “o folisitsoe”? ’Me, “Mohlolo oa

Donny Morton,” *Reader’s Digest*. Ka hona, hoo, nkile ka hlongoa lipotso mabapi le hoo. Moshanyana eo o ne a tetsoe ke ba ha Mayo’s, Hopkins, le bao bohle. ’Me Morena Jesu a mo folisa, ho mo phekola.

<sup>27</sup> ’Me Florence Nightingale, setloho-tloholoana sa mofu Florence Nightingale, London, Engelane. O ne a fofisoa hoa tsoa Durban, Afrika Boroa.

<sup>28</sup> ’Me ntho eo e hlalositsoe ka phoso. Joalo feela ka . . . Joalo feela ka makhetlo a mangata ho . . .

<sup>29</sup> ’Me Bokreste bo hlalositsoa batho ka phoso. Bokreste bo ’nile ba hlalisoa ho batho e le ho thotokisa tumeloana. Bokreste ke Boleng bo phelang, Jesu Krete, Molimo o tsohileng, o phelang le har’a rōna joale. Bokreste ke Motho, e seng tumeloana. “Ho Mo tseba ke Bophelo.” Esita e se le ho tseba Lentsoe la Hae; hoo ha se Bophelo. “Ho Mo tseba,” ’me Ke Lentsoe.

<sup>30</sup> Thaka le leng la re ho ’na, nakoana e fetileng, la re . . . Ke ne ke qoqa ka . . . seo re se nahanneng ka Lengolo le itseng ka Bibeleng. Thaka lena e ne e le moithuti oa sekolo. A re, “Be, u mpa u sa tsebe Bibe le ea hau.”

<sup>31</sup> Ka re, “Ke tseba Mongoli hantle haholo.” Ka hona, ke eona ntho ea sehlooho, haeba ke Mo tseba. O tla hlokomela tsohle. “Ho Mo tseba ke Bophelo.”

<sup>32</sup> ’Me, joale, hosane hoseng, ka moahong mona, mono, monna oa heso mohokanyi ea haufi, Ngk. Lee Vayle, o teng mona. Haeba ho na le lipotso kelellong ea hau, tloo, o tla li araba, a etse sohle seo a ka se khonang, ho u thusa. Ngk. Vayle o teng mona. Kea kholoa o kae-kae ka morao ho moaho joale. Moithuti ea khabane haholo, le monna ea koetlisitsoeng hantle bakeng sa mosebetsi. Ka hona, haeba motho a na le potso, kapa letho, ’me sebakeng sa ho leka e botsa hona joale, kopanong ea bohle ka mokhoa ona, khele, bonana le Ngk. Vayle. O ne a tla thabela ho bua ka ntho efe feela eo—eo u ka ratang ho bua ka eona. ’Me hape mona o tšoere tšebelsetso, hoseng. ’Me re tla thabela ho—ho kopana le batho mona.

<sup>33</sup> ’Me, hape, Sontaha hoseng e tla ba sekolo sa Sontaha, ho phatlalla le motse. Ha re—ha re leke ho nka Sontaha, Sontaha hoseng kapa Sontaha thapama, oditoriamong mona, hobane ha e—e a loka.

<sup>34</sup> Le a bona, likereke, tšoanelo ea hau—ea hau e kerekeng ea hau—ea hau. ’Me ha kereke e tšoere litšebelsetso, e—e loketse ho ba sebaka sa hau. ’Me ha re batle hore mang kapa mang a tsoe, athe u loketse ho ema mosebetsing oa hau. Ha kereke ea hau e tšoere tsoseletso, ’me re tšoha re kena motseng moo u tšoereng tsoseletso, ha re a ikemisetsa ho etsa joalo, ho hang. Re mona ka setsoalle sa Bokreste, ho mamellana, molemong ho batho bohle, likereke tsohle. Ha re . . .

35 Ha ke setho sa mokhatlo ofe, ho hang. Ha ke setho sa mokhatlo ofe. Ke—ke Mokreste feela. 'Me 'na, khahlamelo ea ka, ke leka feela ho e sebelisa ho—ho hlomphe Krete, le ho hulela baetsalibe pakong. 'Me ke phetho seo ke tsebang ho se etsa. Ho tšepa, ka Letsatsi leo, le ho hopola A tla re, "E sebelitsoe hantle." 'Me ke batla ho bua mantsoe ao . . . ho Mo utloa a rialo.

36 Esale ke ipotsa. Eka nka ke Mo utloile A eme a otlolla liphaka tsa Hae letsatsing leo, le ho re, "Tlong ho 'Na, lona bohle ba khathetseng, ba imetsoeng." Joale, mono ke mehlang e fetileng. Empa, "U entse hantle, mohlanka oa Ka ea molemo le ea tšepang," e tla ba nakongne tlang. 'Me, 'na, ke phelela ho utloa hoo ho boleloa.

37 'Me joale, hape, Sontaha thapama, re tli' o rapella bakuli. Ka nako e 'ngoe batho ba e bitsa litšebelsetso tsa pholiso. Joale, ha se tšebelsetso ea pholiso. Ke ho rapella bakuli. Le a bona? Re rapella bakuli. 'Me, ka tloaelo, ke mohla lintho li etsahalang, ke mohla re rapellang bakuli.

38 Ke batla moreri e mong le e mong, naha ka bophara, hohle, ea lumelang, ho tla, etsa bonnete ba ho tla Sontaha thapama, ho ema le rona re sa rapella bakuli. Ho sa tsotelehe seo bolumeli ba hau bo leng sona, kapa e ka bang eng, ba re tsotelle seo. Ruri, u utloela batho ba heno bohloko, le batho bao e leng batho ba Molimo, le batho ba batlang ho folisoa.

39 Hopola, ha u kula, tšoanelo ea hau ea pele ke ho bona ngaka ea hau le ho bona seo a se buang. 'Me haeba a hlaloba bothata ba ntho e—e a sa e khoneng; mahlale, mahlale e sa khone ho mo senolela thuso efe bakeng sa hau, u na le tokelo ea ho tla ho Molimo. Ke Ngaka e khōlō. 'Me hape . . .

40 Le ho rapela, le ho rapelloa. Ba e etsa, ba tlameha ho e etsa, kerekeng e 'ngoe le e 'ngoe ea Bokreste. Mohlomong, ba etsa mona. Ha ke tsebe. Empa boholo ba libaka, Bakreste ba rapella bakuli ba bona. Mapresbiteriene le bongata ba bona ba tšoare matšolo a maholo a pholiso hohle leboea, le likarolong tse fapaneng tsa naha, ho rapella bakuli, ka katleho e kholo; Presbeteriene, Lutherane, Methodise, bongata ba tsona.

41 Tsosetsetso e kholo ea bona e qalile ka matšolo a pholiso. 'Me ba e furaletse, ehlile. Sehlopha se secha se a kena, bao, sehlopha sa banna se a kopana 'me se E arola kamoo ba batlang, 'me ebe mono ba tloha ho Eona, le a bona, ho khutlela hantle tumeloaneng eo, joaloka Bafarisi le Basadusi ba mehla ea Morena Jesu.

42 Empa joale, moreri e mong le e mong o a mengoa, Sontaha thapama, ho tla le ho ba le 'na, le—le ho nthusa re sa rapella bakuli. Ntša bakuli ba hau le ba mahlomoleng.

43 Joale, re leka joale ho lumella batho . . . ho fumana baetsalibe ba sa tsebeng Morena oa rōna, ba sa elleloe hoba ha A shoa. O a phela. Eēna, ha A shoa. O a phela, ka mehla le mehla. 'Me O

itse, “Hobane Ke phela, le lona le a phela ke hona.” Ke tšepiso e kakang, le matšelisano a makakang, ha re bona nako e atamela!

<sup>44</sup> Bakreste bohle ba makhonthe ba lumela ho Khutla ha Kreste labobeli ho le hauifi. Hole hakae, ha re tsebe. Na le bone Alaska e atetsoe ke litšisinyeho tse ’maloa tsa lefatše kajeno? E ’ngoe ea tsona, e boima hakaalo ka ea joalo ka ha ea pele, e mpa feela e sa e heletsana. Le a tseba, Jesu o itse lintho tseo li tla hlaha pejana pele A Khutla.

<sup>45</sup> ’Me, le hopole, lintho tse tseo le li bonang li hlaha mona, Lentsoe le li baletse ho fihla mona, joalo feela ka ha A lepile tšisinyeho ea lefatše. Ka hona, ’moho, hobaneng re sa kopanye lipelō tsa rōna ’moho, le ho e hlamela Lentsoeng la Molimo, le ho lumela ka lipelo tsa rona tsohle? Ho lokile.

<sup>46</sup> Joale, maobane bosiu, re ne re . . . Ke nkile sehlooho sa Abrahamama, mohla a ne a bitsa lebitso la Morena ea ipontšitseng eena holimo mono sehlabelong sa mora oa hae, moo a neng a ea teng. Lebitso leo la bitsoa *Jehova-Jire*, e leng, “Morena o tla Ithahisetsa sehlabelo.”

<sup>47</sup> Joale, bosiu bona, ke na le Mangolo a ’maloa le lintlha, kapa tse peli, tse ngotsoeng fatše mona, tseo ke ratang ho li siea—ho li siea le lona. Joale, pejana re etsa joalo, ha re rapeleng nakoana feela, hape.

<sup>48</sup> Ntate, re U rapela ho nka Lentsoe la Hau . . . “Lentsoe la Hau ke ’Nete.” ’Me Bibeletse, Jesu o a bua, ho re, “Lentsoe ke Peō eo mojali a e jetseng.” Joale rea elloa peō ha e le peō e ntle, e pheliso. ’Me haeba peō eo e ntšelitsoe kantle, leano la eona la—la thato ea Molimo, e e siea peō e nontšitsoeng. ’Me Jesu mehleng ea hae lefatšeng, E ne e le Morara oo. ’Me peō eo A e jetseng e ne e le Lentsoe la Hae, ’me re e tseba e nontšitsoe ke Bophelo ba Hae ka Sebele.

<sup>49</sup> ’Me rea tseba hore peō, ha e oela mobung oa mofuta o loketseng; e seng holim’a majoe, e se na motsi; ha e se meutloeng le libajoeng, tse tla e bipetsa kapele; empa tumelong e ntle, e ruileng, e nonneng. Peo e ’ngoe le e ’ngoe e tla hlaha tsa mofuta oa eona.

<sup>50</sup> ’Me rea tseba hore peō e ’ngoe le e ’ngoe, kapa tšepiso ea Molimo, e tla hlaha ea mofuta oa eona, seo e se tšepisoeng, haeba e oela li- . . . mobung o nepahetseng, mobu o lokisoeng, o phetotsoeng hantle; majoe ohle a—ntšitsoe, le metso, le ho baba, le boitšepo, le monyemo, le lefufa, tsohle li rutluoe; motso oo oa bokhopo o melang, oo ka linako tse ling o senyang seo Molimo o lekang ho se etsa. Rea rapela, Molimo, hoo se fumanoe ke har’a rōna, empa Lentsoe le molemo le tle le fumane mobu o motle ka har’a bana.

<sup>51</sup> Re sa latela mopatriareka e moholo enoa, Abrahamama, thutong ea bosiu bona, re ke re fumane malulo a rōna, re ntse re tseba hobane re bana ba Abrahamama, ka tumelo ho Kreste. ’Me, hape,

ho ithuele khanya Lebitsong la Hau le tlhompho, hoba re e kopa ka Lebitsa la Jesu Krete. Amen.

52 Re tla batla re khutlela morao nakoana bosiu bona, bakeng sa thuto eo re buileng ka eona maobane mantsiboea. E ne e le hoo, ke ho re, re fumane Abrahama a qala, ho Genese khaolo ea 12. Ruri, lebitso la hae le ne le boletsoe khaolong ea 11, mohla ntatae a neng a theoha a tsoa Babilona 'me ba lula e—e Ure le mona . . . lefatšeng la Bakalde.

53 'Me hape re fumana, hape, Molimo o bitsitse Abrahama, monna ea tloaelehileng feela ea bitsoang Abrame. E ne e eso be Abrahama le joale. 'Me, le Sara, "Sarai," Sara e ne e-so be Sara. Ka baka leo re fumana, *Sarai* le *Sara* e ne e le tse peli fap- . . . e ne e le mabitso a mabeli a fapaneng. 'Me *Abrame* le *Abrahama* e ne e le mabitso a mabeli a fapaneng.

54 Joale re fumana, tabeng ena, re mo nyollotse maobane bosiu, ho fihlela ho tiisetsoeng, hore Molimo o mo tiiselitse selekane, kamoo A neng a tla pakela Abrahama hore O tla boloka tšepiso ea Hae. Taba eo e fumanoa khaolong ena ea 15 ea Genese. Kamoo . . . 'Me Abrahama o bilelitsoe kantle mantsiboea, ho theola, ho hlaba namane kapa sethole, le poli e tšehali, le pheleu. 'Me re kene ho eona maobane bosiu, kamoo tse peli tse tšehali le e tona. Le maeba a mabeli, kapa lephoi le leebea, e leng lelapa le le leng; 'me ra fumana papiso ea seo, hore seo kamehla se emetse pholiso. Etsoe, ha e eso fetohle. Haesale pholiso e le ka tumelo. Empa pheko, ehlile, ea aroloa ho tloha ho bophelo ba phoofolo ho ea ho bophelo ba motho.

55 Joale, ka Testamenteng ea Khale, enereha morapeli a tla ka mali. Molimo o kopanela le batho tlasa Mali a tšolohileng feela, eona feela nqalo eo A kileng a e etsa kapa a tla e etsa le ka mohla. A ke ke a kopana le uena ka tumeloana ea hau. A ke ke a kopana le uena ka thuto ea hau. O tla kopana le uena tlasa Mali; ke eona feela nqalo. Iseraele eohle e ne e rapela tlasa mali.

56 'Me re fumana moo, hape, hore re fumane (eng?) morao nalaneng ea eng, kamoo batho ba neng ba hlaba selekane, 'me re fumana ka papiso ea Bochabatsatsi le ka mekhoha e fapaneng ba hlaba selekane. Le kamoo re sebetsang kajeno, ka ho tsukutla matsoho, le joalo-joalo, le ho re, "E koahela!" 'Me Majapane a hasana ka letsoai, ho hlaba selekane.

57 'Me—'me ka ho haola lefatše ho pota, 'me u fumana bohobo ba lefatše bo ntse bo le maamong a tšoanang le ao le neng le le ka ho oona mehleng eo, haholo Linaheng tsa Bochabatsatsi le Bochabela. Bible ea lona e fetoha buka e ncha ha u ka ea Bochabela le ka mohla, u ke ke ua hlola . . . morao koana Jerusalema, Palestina, morao mono. U tla . . . Bible, E ngotsoe ka . . . Re batho ba Manyesemane ka mona, le batho ba Bophirima, re leka ho utloisisa buka ea Senyesemane, ka hona ke ntho e thata haholo. Ha u ka khutlela morao mono, u fumana

lenyalo le ntho eohle, 'me hantle feela ka moo ba e sebelitseng nakong ea Kreste. Lintho tse ngata ha li eso fetohle ho hang, meetlong ea bona le mekhoeng.

<sup>58</sup> 'Me joale rōna, tabeng ena, re fumana mohla ba neng ba etsa selekane sena matsatsing ao, ba—ba se rala holim'a sekotoana sa letlalo la nku, kapa—kapa letlaloana. 'Me ba ntano hlaba phoofolo, 'me ba ema lipakeng tsa mekhekhethe. Le ho le tabola, selekane sena sa bona, kapa tse peli, mantsoe a bona; ba se seha ka lehare, ka mokhoa oo. [Moena Branham o tabola sekhechana sa pampiri ka lehare—Mohl.] 'Me ha li kopana, *tse* li ne li tlameha ho nyallana ka ho tšoana hantle. Li ne li loketse ho kopana, sekoto ka sekoto, ka hona se ke se kopitsoa. Ka baka leo rea fumana, hore, thutong ea rōna ea maobane bosiu, re fumane seo Molimo o se entseng ho kholisetsa Abrahama selekane sa Hae.

<sup>59</sup> Joale, Abrahama, pallo e etselitsoe Abrahama le Peō ea hae e mo latetseng. E seng Abrahama a 'notši, empa Peō ea hae. Joale, joale, peō, peō ea tlhaho ea Abrahama, e ne e le Isaaka; empa Peō ea moea ea tumelo ea Abrahama, e ne e le Kreste. Ha se ka Isaaka, lefatše lohle le ileng la hlohonolofatsoa; empa ka Kreste, Peō ea Borena, lefatše lohle la hlohonolofatsoa, hoba O shoetse batho bohle, lichaba tsohle le batho bohle.

<sup>60</sup> Joale re bona tabeng ena, hape, selekaneng sena, mono O bontšitse seo A tla se etsa, kamoo Molimo o tla harola Kreste Jesu. 'Me 'mele oa tsosoa 'me oa lula letsohong le letona la Molimo le Boholo bo Holimo, 'me Moea oa Kreste oa theoleloa holim'a lefatše.

<sup>61</sup> Joale hola re ena le nako, le ka paka seo. Ntho efe, karolo e le 'ngoe ea Lengolo e a bolela, E haola le Bibe eohle. Haeba E sa etse joalo, phoso e teng—e teng. Ea Khale e ne e le seriti sa e Ncha, e ne e le seriti sa Eona. Ebe, haeba u fumana seriti, u ka tseba ho bolela hantle hore e Ncha ke eng. Ka hona ke hona moo A neng a le teng, le moo a leng teng 'me a tla ba teng.

<sup>62</sup> Joale Moea ona oa Kreste o khutlela holim'a Kereke, o phethahalitsoe Johanne 15 hanbtle hape, moo A itseng, “Ke 'na sefate sa Morara, lona le makala.” 'Me hape, Johanne 14:12, “Ea lumelang ho 'Na, mesebetsi eo Ke e etsang o tla e etsa le eena,” mesebetsi e tšoanang, ntho e tšoanang. Ho theoaha joalo le Lengolo! “Ekare ha le lula ho 'Na, le Lentsoe la Ka ho lona; kopang seo le se batlang, le tla se neoa.” Lintho tse ngata tseo Kreste. . .

<sup>63</sup> “Ho se ho se hokae 'me lefatše ha le sa tla Mpona. *Lefatše*,” mono lentsoe la Segerike *kosmos*, le bolelang *tsamaiso ea lefatše*, “ha le sa tla Mpona. Empa lona le tla Mpona, hoba 'Na,” 'na ke leng leemeli la motho, “Ke tla ba le lona, le ka ho lona, ho isa bofelong ba lefatše,” ho etsa Jesu Kreste oa maobane, kajeno, le kamehla. O—O—O sa lutse a le teng. O tsohile bafung.



“Lefatše, mosalumele, le ke ke la Mpona.” Ba ke ke ba E eelloa. Empa molumeli o tla Mo eelloa, hobane esale Eena Jesu eo e bileng Eena kamehla. Ha A eso fetohle. “Eèna maobane, kajeno, le kamehla!”

64 'Me joale, 'me Lentsoe leo, batho ba bangata ba leka ho etsa eka ntho Eo ha e a bululeloa. Joale, ke batla ho bua taba mona joale, se mphihlelang mohopolong oa ka.

65 'Me ha ke lumele sefala se etselitsoeka bosoasoi. Sena ha se sebaka sa metlae. Bona ke botšepeli. 'Me ha re bona Letsatsi la Morena le hlaha, re tlameha ho tšepahala ho feta moo.

66 Empa ke phetsetsoe e—e pale, nakong e fetileng, ea e—e thaka le lenyenyane leo. . . Mona e ne e le Boston, 'me a falla. A ena le 'mè ea khabane, pele, ho qalisa pale, 'me 'mè a tseba ruri hoba moshanyana oa hae o bile le pitso bophelong ba hae, ho sebeletsa Morena. 'Me hoo ho ka—ho ka thusa 'mè ofe, e tlamehile joalo, 'mè ofe oa sebele, ho tseba hore mora oa bona. . . hore Molimo o ba hlomphele ka ngoana ea eang ho bolela Evangeli. Seo se loketse e be letlotlo bophelong ba 'mè ofe kapa ofe. 'Me ka hona 'mè oa batho, a leka ho etsa sohle seo a ka se khonang, a mo romela sekolong, le kolesheng ea thupelo, ho amohela BA ea hae—ea hae.

67 'Me eare a sa tsamaea, 'mè a kula habohloko. 'Me ka hona eèna, joaloka Mokreste ofe ea ka etsang, ba bitsa ngaka. 'Me ngaka. . . A jeoa ke pneumonia e menahaneng habeli. 'Me ngaka ea leka sohle seo e ka mo etsatsang sona, ho—ho hlahloba matšoafa, 'me ho se letho. O ne a mo file lithethefatsi tsa—ea sebaole, penicillin, joalo-joalo, ho—ho bolaea kokoana-hloko, 'me ha ea ka ea sebetsa. 'Mè a eketsa ho mpefala, a sa khaotse. Eaba ba romela polelo ho mora oa hae, e le tlase koana Asbury, Kentucky, ho Wilmore K'holeseng, ho tla tla etela vi-. . . ho 'mona hobane o ne a tla shoa. 'Me hoseng ho hlahlamang, ha moshanyana a itokisetsa ho tsamaea, ba amohela thelekramo, “'Mè oa hau o betere ho feta. Emela mohala o mong.”

68 Selemo hamorao, mosali a fuoa monyetla oa ho bona mora oa hae. A khutlela hae phomolong le nako ea ho khafutsa sekolong sa hae. 'Me a re, “'Mè, ke utloile hoba u hlahphoheloe,” hoba ba kenele nakoana ea bolekanane, kamoo mora le 'mè ba neng ba ka etsa kateng. A re, “Ke—ke ne ke sa utloisise hore na ngaka e fetotse moriana ofe, ho phethisa maemo a hau—a hau ho ntlafala ka potlako.”

69 'Me a re, “Mora, e—e ne e se seo.” A re, “U tseba moo mishone oo leng teng tlase mona seterateng, batho bao tlase mono ba. . .”

Ho re, “E, ke hopola seo.”

70 Ho re, “Ho na le mofumahali ea itlalehang a ile a utloa a tataisoa ho tla mona le ho nkopa haeba molisa a ka tla nthapella. 'Me ka hona ka 'molella hoba ho itoketse.” Ka hona ho re, “Molisa a nyoloha a e bala Bibeleng, 'E mong hara lona, ha

a kula, bitsa baholo, le ba tlotse ka oli; ba rapelle. Thapelo ea tumelo e tla pholosa ea kulang.” Le ho re, “U a tseba, o e balile Lengolong, ’me o ile a nthapella ’me a ntlotsa ka oli. ’Me —’me hoseng ho hlahlamang, keha ke ntlafetse hofihlela ngaka e ntumella ho lula. Matsatsing a ’maloa keha ke itoketse.” Be, a re . . . Ho re, “Oh, ho bokoe Morena!” A re, “Mora, u tlameha ho . . .”

<sup>71</sup> A re, “Mè, u qala u itšoara joaloka batho bao.” Ho re, “Mamela, ’mè.” Ho re, “Re ithutile holimo sekolong moo a balileng teng, Lengolo la bobeli leo a le balileng le ne le le ho Mareka 16, moo, ’Mehlolo e tla tsamaea le ba lumelang ke eona ena. Ba tla beha bakuli matsoho ’me ba tla fola,” ho re, “re ithutile holimo mane sekolong ho thoe Mareka 16, ho qala ka temana ea 9 ho ea pele, ha e a bululeloa.” Ho re, “U a bona, batho bao ha ba kene sekolo, bongata ba bona tlase mono. Ha ba ruteha, e batla e le batho ba sa balang.” Ho re, “Ba—ba ikemiselitse hantle, ntle le pelaelo.” Empa ho re, “Re ithutile sekolong seo, ho qala ka temana ea 9 ho ea pele, e sa tsoa ekeletsoa, mohlomong ke Vatican kapa ho hong, empa,” ha thoe, “hobane karolo eo ha e a bululeloa.”

<sup>72</sup> ’Mè e monyenyanane a ntša ntho e khōlō, “Allelua!” ’Me eaba o re . . .

A re, “Mè! Be, u buisoa ke’ng joalo?”

<sup>73</sup> Ho re, “Ke ne ke nahanne, mora, hola Molimo o ka mpholisa ka Lentsoe le sa bululeloang, ebe O ne a ka etsa’ng ka Hoo ho hlileng ho bululetsoe?”

<sup>74</sup> Kahoo—joalo ka litšepiso tse ling. “Kopa eng kapa eng ka Lebitso la Ka, Ke tla e etsa.” “Ha u ka re ho thaba ena, ‘Sutha, ’me u sa belaele pelong ea hau, u mpa u lumela hoba seo u se boletseng se tla hlaha, u ka fumana seo u se boletseng.” “Ha u rapela, lumela hoba u fumana seo u se kopang, ’me u tla se neoa.” Ua bona, E bululetsoe eohle, karoloana ka ’ngoe ea eona.

<sup>75</sup> Mohla Morris Reidhead, moithuti ea khobane haholo, a tla ntlung ea ka, a amohela kolobetso ea Moea o Halalelang; a itihela holim’a tafolenyana ea kofi ka tlung. A re ho ’na, ho re, “Moena Branham, ha ke utloisisa u ne u le e—e . . . U Mobaptise.”

<sup>76</sup> ’Me ka re, “Be, ke ne ke sa tsoa hlomamisoa, kereke ea Missionary Baptist, ke le moshanyana; ha ke setho sa . . .”

<sup>77</sup> Ho re, “Be, Mapentekosta ana u lika-likang har’a ona ke’ng?”

Ka re, “Ke batho ba kang ’na le uena.”

<sup>78</sup> A re, “Be, mamela,” ho re, “na u hopola e le Moea o Halalelang seo ba nang le sona?”

Ka re, “Ehlile.”

A re, “Khele ho rahaka hohle le ho tilaka le ho hoeletsa?”

79 Ke itse, “Be, ba tlameha ho butsoela phufuli ho letsa mololi. Haeba ba sa e sebelise, ho bilikisa mabili a tsamaee.” Ka re, “Ha u ka etsa feela—etsa hore ba ithute seo e leng sona, sebakeng sa ho e bululela nqa eo feela. Ho e sebelisa, tumelo, kantle seterateng, ho leka ho kenya batho, ’Musong oa Molimo.”

80 ’Me a re, “Be, ke ba bone ba etsa tseo tsohle.” Ho re, “Ke tla u bolella lebaka la ka mona.” Ho re, “Moshanyana ea khabane ea tsoang India,” ho re, “o fumane thuto ea hae le sekolo.” Ho re, “Na, mohla ke tlohang, ke mo isa sefofaneng, ho mo hlalela sefofaneng, ho mo khutlisetsa mose ho maoatle, ka re ho eena, ka re, ‘Mora, joale u na le thuto ea hau, u khutlela bathong ba heno. . .’” Kea kholoa o ithutile mane. . .Ha ke. . .Kea kholoa lielektroniki.

81 A re ke hona, a re, eitseha a khutlela morao, a re, “Ke hobane’ng ha u re- . . .tèle moporofeta eo oa khale ea shoeleng, Mohammede, ’me u fumane Jesu Krete ea tsohileng kannete pelōng ea hau?”

’Me a re, “Monghali, ke batla ho u botsa taba.”

82 Joale hopolang, taba ena e tsoa ho se seng sa likolo tse kholo tsa Bibelet, likolo tsa motheo, thaka lena e ne e le e mong oa baruti ba bona.

83 A re, “Jesu oa hau a ka nketsetsa’ng ho feta seo moporofeta oa ka a ka nketsang kateng?”

84 A re, “Be,” a re, “Jesu oa ka a ka u fa Bophelo Bosafeleng.”

85 A re, “Khele, Korane e tšepisa hona hoo.” Korane ke Bibelet ea Mohammede, le a tseba. Ho re, “E tšepisa ntho e tšoanang.”

A re, “Be,” a re, “yaa, ke. . .”

86 Ho re, “U a tseba, Korane ha e a tšepisa letho. Mohammede ha a tšepisa letho haese—haese bophelo ka mor’a lefu.” A re, “Jesu o le tšepisitse lona baruti, ho re, ‘Mehlolo ena le meeka e tla latela.’” Ho re, “Ke seo Jesu a se boletseng.” ’Me a re, “Re emetse ho bona seo se etsoa, ho bona lona baruti le se hlalisa.” E nahaneng!

87 A re ho ’na, “Hantle hona moo,” a re, “ka lemoha ke sa kopana le moshanyana oa maobane. ’Me ke a tseba. . .Ea tsebileng seo a neng a bua ka sona.” A ka e qhela. Empa ke mokhoa o motle oo ho e etsa, e re sera se tlolele holima hau ka nako e ’ngoe joalo ’me ha u tsebe moo u ka eang teng. Le a bona? Ka hona a re, “Ke lemohile hoba eo ha se moshanyana oa bosiu bo qetang ho sa.”

88 ’Me a re—a re, “Be, joale sheba mona. Jesu o tsohile bafung.”

89 A re, “Na O entse joalo?” Ho re, “Le qetile lilemo tse likete tse peli ho e paka, ’me e batla e se karolo tse peli-tharong ea lefatše ha e-so utloele ka Eèna. Joale molato ke’ng ka lōna batho ting?” A re, “Ere Mohammede a tsohe bafung, ’me lefatše lohle le tla

e tseba lihoreng tse mashome a mabeli a metso e mene.” ’Me ke hantle.

<sup>90</sup> Le a bona, ba emisitse pere lebitleng la hae. Ke e bone mono. Ba fetola balebeli lihora tse ka bang ’ne, ba mo lebeletse ho tsoha, le joale. Ka papiso mono, ho tla ka pere e tšoeu, le a bona, ho hapa lefatše.

<sup>91</sup> ’Me eaba o re, “E reng—e reng a tsohe bafung, ’me lefatše lohle le tla e tseba.”

<sup>92</sup> A re, “Be, Jesu o tsohile bafung.” A re, “Moporofeta oa hau o lebitleng.”

A re, “U tseba joang hoba O tsohile bafung?”

Moruti a re, “O ka pelong ea ka.”

A re, “Mohammede o ka pelong ea ka, le eena, monghali.”

A re, “Empa ke na le thabo le khotso.”

<sup>93</sup> A re, “Monghali, Mohammedane ba ka hlahisa saekholoji e kaa ka eo Bokreste bo ka e khonang.” ’Me ba etsa joalo. U tlameha ho ba utloa ba hooletsa ba hlaba litlatse. Ke hantle. “Ho hlahisa saekholoji e lekanang le ea Bokreste.” A re, “Be, u bolela’ng ha u re Jesu o u tšepisitse lintho tsena tsohle?” Ho re, “Kea kholoa u bua ka Mareka 16?”

A re, “E, ke e ’ngoe ea tsona. Eseng ka ho feletseng, empa eo ke e e ’ngoe ea tsona.”

<sup>94</sup> “Jesu o boletse, Mantsoe a ho qetela A boleletseng Kereke ea Hae, ‘E-eang ka lefatše lohle, le a bona, le ho bolela Evangeli, ’me mehlole ena e tla tsamaea le molumeli.’ Ho fihlela kae? ‘Lefatše lohle; sebopuo se seng le se seng. Ha ba bea bakuli matsoho, ba tla fola.’ Mantsoe a ho qetela A buileng, ho latela Lengolo la hau.”

<sup>95</sup> A re, “Be, u a bona,” ho re, “ke feela. . .” Ho re, “U a bona, karolo eo ha e a bululeloa.” Ho re, “O ne a hlile a sa tiea. E ne e se. . .”

<sup>96</sup> A re, “Ha e a bululeloa?” Ho re, “U bala Buka ea mofuta ofe?” Ho re, “Korane eohle e bululetsoe.” Hum! Ke ho hloleha ha bofokoli ba thutabomolimo, thutamolimo e entsoeng ke motho e se nang e—e Moea ho ema le ho tobana le ntho eo.

<sup>97</sup> Joaloka bana ba Baheberu ha ba boletse, “Molimo oa rōna o tseba ho re loela seboping sena sa mollo, empa leha ho le joalo re ke ke ra khumamela setšoantšo sena.” Re hloka batho ba sebete. Monna ea lumetseng Molimo esale a le sebete ’me a lumela mohlolo. Monna ea lumelang Molimo!

<sup>98</sup> Mongh. Reidhead a re, “Ke rahile fatše, Moena Branham, ho raha lerole *joalo*, ’me ka sitoa ho araba monna eo.” A re, “Ke rerile pelong ea ka ho tla u bona kamora moo, le ho botsa sena sohle.” Le ho re, “Ke ’na enoa.” A re, “Haeba Moea o Halalelang. . .”

99 Ho re, “Moena Branham, ’mè oa ka o nkisitse sekolong.” ’Me a re, “’Na, eitseha ke fumana BA ea ka, ke ne ke nahana hore e teng hantle . . .”

Ka re, “Ke tseba seo u se bolelang.”

100 A re, “Eaba ka letsatsi le leng ke fumana BA ea ka, ka nahana hore hona moo ke tla fumana Kreste. O ne a le sieo ha ke apesoa Ligarata tsa Bongaka.” A re, “Ke na le likhau tse lekaneng, mangolo a hlompheoang, ho lila mabota a hau, ’me Kreste o kae ho eona kaofela?”

101 Ka re, “Ke mang ’na ho tlaleha baruti ba fositse? Empa ha se seo re buang ka sona. Ke Motho, Kreste, eo u tlamehang ho mo tseba.”

102 Joale monna o tšoere mats’olo a maholo hohle. ’Me Ngaka Lee Vayle mono, mots’oalle oa ka e moholo, ke mots’oalle oa hae, hape. ’Me o atlehile haholo, ho rapella bakuli le ho tšoara mats’olo a maholo le ntho eohle. Ke kahobane monna eo a lumetse.

103 Joale, le a bona, Moea o neng o le ka ho Kreste, ’mele, Jesu eo e neng e le Molimo, Emmanuele, Moea o Halalelang, Molimo, o theohetseng ka ho Kreste, ’me O entsoe “Molimo o na le rōna.” ’Me hape O ne a . . . E ne e le ho re lopolla; Mali a Hae a tšolloa.

104 Joale, ka Testamenteng ea Khale, enereha morapeli a filha a bea mats’oho a hae holim’a nyehelo ea hae, ’me a khaola qoqotho ea . . . moprista, kapa a etsa sehlabelo. Morapeli o ne a tšoara sehlabelo ka mats’oho a hae, ’me a tšoara e—e ho taboha ha nama, le konyana e nyenyane e shoang; boea ba eona bo bonyenyane bo kolobisoa ke mali a eona, hohle mats’ohong a molumeli, le joalo-joalo, a tšetsoe ka sejaneng, ho chesoa mane aletareng. Molumeli o itemohile e le eèna ea neng a lokela ho shoela sebe seo, empa konyana e ne e shoa seabakeng sa hae. Joale, empa bophelo bo maling ao, bo sitiloe ho khutlela holim’a morapeli, hobane e ne e le mali a phoofolo, e hlokang moea. Empa ka . . . Ka hona seo e ne e le sehopotso sa sebe, kamehla.

105 Empa, joale, Jesu e leng Emmanuele, eaba Bophelo ba Molimo bo ahile ka ho Eèna, ’me hoo ho a khutla; e seng Bophelo ba motho feela, empa Molimo ka Sebele, ka sebopeho sa Moea o Halalelang, ho khutla le ho le etsa bara le barali ba Molimo. Ha ho le joalo le bara le barali. ’Me ha u utloa ho taboalo, le mahlomola le kahlolo eo Jesu a fetileng ho eona, ho songoa, tšebetso ea Hae e bitsoa mosebetsi oa liabolosi, “Belsebule,” le ho songoa, le ho nyefoaloa, ke baetapele ba borapeli, le ho latola. “O tlile ho ba Habo ka Sebele; Ba Habo ha ba ka ba Mo amohela.” ’Me lintho tseo A fetileng ho tsona! ’Me hape ka ho etsa bophelo ba Hae sehlabelo sefapanong, ho lopolla seo Molimo o se tsebileng pele. Lopolla; ho e busetsa moo e—e oeleng teng. Hape, Molimo o e entsa ho romela Moea o Halalelang holim’a Kereke joale, hore E . . . batho, balumeli. E etselitsoe balumeli feela.

106 Hase ea bosalumele. Ba ke ke ba e bona le ka mohla. Ba shoele, le ho qaleng.

107 Shebang Bafarisi bao mohla ba boneng Jesu a etsa pontšo e neng e tlamehile e be e le pontšo ea Messia.

108 Shebang Petrose, o e lumetse joale. 'Me Nathanaele o e lumetse hona joale. Mosali selibeng o e lumetse; sefofu Bartimea. Bohle ba e amohetseng, ba e lumela.

109 Empa baetapele bao ba ema mono 'me ba re, "Ke Belsebule, moea o mobe, malepa a mofuta kapa leqheka."

110 Jesu o itse, "Ha le bua taba eo khahlano le 'Na, Ke tla le tšoarella hona," sehlabelo se ne se eso etsoe, "empa mohla Moea o Halalelang a tlileng ho etsa ntho eona eo, lentsoe le le leng khahlano le Oona le ke ke la tšoarella lefatšeng lena leha e le lefatšeng le tlang ho tla."

111 Ke hobane'ng ha ba ne ba sa ka ba e lumela? Jesu o itse "Le bana ba ntata lona liabolosi, 'me le etsa mesebetsi ea hae." Ke hantle.

112 Ho lumela Lentsoe, ke ho amohela Lentsoe le ho Le lumella ho fetoha Bophelo. Joale, Molimo o bontša mono kamoo O neng o tiisa selekane sena. E tlameha ho ba joalo. Kereke! E seng mokhatlo, e seng mokhatlo oa bolumeli; empa motho le Molimo ba tlameha ho fetoha Moea o le mong. Oo ke morero oa Molimo, tšimolohong.

113 Adama le Eva e ne e le moea o le mong. Bible e boletse ho Genese, ka 1:27, "Ka setšoantšo sa Molimo . . ." Molimo ke Moea. "Oa mo etsa ka setšoantšo sa Molimo; O ba bopile e le e motona le e motšehali," ka sebopeho sa moea se neng se le ka ho Molimo. 'Me Adama o ne a loketse ho hlokomela e—e naha, joaloka ha Moea o Halalelang o loketse ho tsamaisa Kereke joale. 'Me, leha ho le joalo, motho o ne a se nameng, 'me e le botona le botšehali 'moho, hoba ke moea o le mong.

114 Eaba Molimo o bopa motho ka lerole la lefatše, oa mo etsa ka sebopeho sa phoofolo. Etsoe, hona joale re phoofolo, rea tseba. Re—re linyantši. 'Me ke phoofolo e mali a futhumetseng eo, 'me re nkile setšoantšo seo sa bophelo ba phoofolo.

115 'Me eaba Molimo o ntša lehopo ho Adama, e seng ho . . . Mosali ke sehlahisoa sa monna, eseng hantle popong ea mantlha. O ile a nka khopo. A arola nama, 'me a nka moea oa botšehali ho Adama le ho o kenya ho Eva. Monna le mosali e ne e le bao.

116 'Me ha ba tsoa libakeng tseo, ba tlohile maemong a bona a nepahetseng. Khopamiso e teng nqa e 'ngoe. Ha mosali a batla ho ba botona, kapa e—kapa e—kapa monna a batla ho itšoara joaloka botšehali, phoso e teng kae-kae. Ba tsoile maemong a bona a nepahetseng.

117 Re lemoha ho Rebeka le—le Isaaka, ba amana ka mali, ua bona, empa joale hoo ho ne ho bapisa peō ea tlhaho ea Iseraele. Empa, ka tumelo, Kreste o fihlile temeng, e seng ka tlhaho.

118 Joaloka letšoao le holim'a, mali a holim'a monyako oa tšiea, tlase Egepeta. Ho sa tsoetelehe ba bolotse hakae, ba ne ba tšoere selekane se se kakang, letšoao le ne le tlamehe ho pepesoa kapa selekane se hlakotsoe. Ruri. “Ha ke bona mali, Ke tla le feta.”

119 Joale letšoao ha se Mali; ke Bophelo bo neng bo le Maling, Moea o Halalelang. 'Me hoo ke . . . Ha ke tsotelle borapeli ba hau; haese ha u amohetse Moea o Halalelang, u tla timela. Ke eona feela tsela. Ha ho Lengolo le leng le ka etsang letho, haese leo feela. “Le se ke la soabisa Moea o Halalelang oa Molimo oo le tšoailoeng ka 'ona ho fihlela letsatsi la topollo ea lona,” Baefese 4:30.

120 Lemohang joale, re a khutla, hoo ho supa Adama le Eva ba ne ba le bang, le ho qaleng. Monna le mosali ba loketse ho ba bang.

121 Joale, empa eitse ha ba arohana, eaba, nameng, ke hona moo Eva a sitiloeng. Ho tlola! Hobaneng? Ho se lumele Lentsoe, khato ka 'ngoe ea Lona. Batho ba bang ba ka nka karolo e le 'ngoe ea Lentsoe, empa e seng tse ling tsohle. Ntho eohle e tlameha ho ba teng mono. Ua bona? Ua bona? A mpa a belaela mokhahlelo o le mong oa Lona. 'Me haeba maloetse ana 'ohle le mathata ao re a fumanang joale a tlile ka mosali a le mong ea belaelang mokhahlelo o le mong oa Lona, re ka khutlisa joang ntho efe haese ka ho E lumela eohle, le ho E amohela kaofela? E ne e le ntho ea bona. . . Ba ne ba hahetsoe qhobosheane ke Lentsoe leo. Eitseha ba arohana, ka nama, ba tlola. O ile a tlola, ka Lentsoe. Eena. . . Shebang, ebe o ne a batla eng?

122 Batho ba bangata kajeno, ba batla tsela e molengoana, ea setaele, tsela e bonolo. Ha ba batle ho tobana le ntho e beiloeng ka pel'a bona. Haeba ba etsa joalo, ba lelekoa mokhatlong oa bona, ba lelekoa, ba sa nahaneloe hakaalo.

123 Na ha u tsebe, ho re, “Batho bohle ba tla le bua hampe, ka leshano, ka baka la Ka. Thabang le nyakalle ka ho fetisisa, hobane moputso oa lona o moholo Leholimong, hobane ba hlorisitse joalo baporofeta ba bileng teng pele ho lona. 'Me bohle ba phelang ka borapeli bo ho Kreste Jesu ba tla hlorisoa.”

124 Joale re batla hore A bue'ng hape? Re ka khona ka Mantsoe a likete, Mangolo, a buang ka hono, ho tlaha ho Genese ho ea ho Tšenolo.

125 Hore eng kapa eng eo re e fumanang kajeno, e qalile ho Genese. Ke khaolo ea peo. Ho se lumele hohle le ntho eohle e qalile hantle mona. Kereke e qalile hantle mono. Ntho eohle e qalile mono. Eka merara e 'meli e holang, 'me o mong o etsisa o mong, 'me o batla o itšoanela.

126 Joaloka Moabe le Moshe hape. Iseraele ke eo a etla, a le monyenyane, ho se bolumeli, ho se sechaba ho hang. 'Me ba ne ba tsoere sehlabelo se tsoanang mona Moabe; mokhatlo o khabane oa bolumeli, batlotlehi bohle ba bona ba tsoile, a hlahisa sehlabelo se tsoanang. Ho leka ho . . . Mobishopo oa bona holimo mono, Balaame, a theoha ho rohaka seo Molimo a se hlohonolofalitseng. Ba ile ba nahana, "Batho bana ba balotsana! Ha ba na le lehae la kereke, kamoo ho etsahetseng. Ke baleleri feela."

127 'Me A re, "Empa ba sitiloe ho utloa mohoo oo oa Khosi liahelong. O sitiloe ho bona pholiso eo ea Khalalelo e kena ka mono, ka noha eo. Le Lefika le teiloeng, ho ba nea bophelo! Mohoo oa Khosi liahelong!"

128 O sitiloe ho bona Seo, bishopo eo ea fougatseng. Empa le ha ho le joalo, ho latela motheo, o ne a lokile joalo ka Moshe; lialetare tse supileng, sehlabelo se supileng, esita le ho hlahisa pheleu, e buang ka ho tla ha Krete.

129 Empa Molimo ha o hloke motho ho Mo toloka. Ke toloko ea Hae ka Sebele. O etsa tšepiso, A ntano e phethahatsa, 'me hoo ke tlhaloso ea eona. Ha ho motho ea lokelang ho e toloka. Molimo ha o botse motho. "Bibele ha e a tla ka ho itlhalosetsa ha motho." Motho e mong le e mong o leka hore E bolela *sena, sane*. Molimo o ke o Ipuelle. Ke Eena ea e etsang. O entse tšepiso; O ema ka mora eona. O etsa joalo, ho balumeli.

130 Empa ba sa lumeleng ha ba amohela letho. Ha e a etsetsoa bona. Ba shoele, le ho qaleng. Ha ba eso emeloe le ka mohla. Ha ho letho ka ho bona. Ke mahata a shoeleng. Ha u batle ho ba joalo.

"Tlang Moea!"

131 Lemohang, O ile a arola Eva le Adama, 'me a tlola. Adama a tsamaea le eena. Joale, "Ha se Adama ea thetsitsoeng." Eva o thetsitsoe. Empa Adama, Adama oa pele, le eena e ne e le mora oa Molimo. 'Me a tsoa ka baka la lerato la Eva, ho leka ho mo khutlisa, hoba a ne a mo rata.

132 Krete o entse ntho e tsoanang, ho mo lopolla hape. Ho etsa eng? Lentsoe. Tlolo e bakiloe ke'ng? Lentsoe, ho se lumele Lentsoe, Lentsoe lohle. 'Me Krete o tlile hore A tle a fetohle e mong oa rōna, Bophelo ba Hae ka ho rōna, ho tsoellisa Lentsoe. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe la etsoa nama la aha har'a rona. Eena maobane, kajeno, le kamehla." Oona Molimo oo! Ke ka hona A tlileng, ho etsa hoo.

133 Joale re fumana, ka thasisetso, ho re lopolla ho khutlela ho Eena, ho lopolla bana ba lelerang ba khelohileng ba kena liphaposeng tseo tsa bafu; le ho khutlela Lentsoeng hape, morao Lentsoeng le tsebahalitsoeng!



134 Joale Bajuda bao, mohla Jesu a tlleng, ba ne ba ka re, “Re tšoere Lentsoe. Re tšoere Lentsoe. Ke *sen*a seo Moshe a se buileng. Re barutuo<sup>a</sup> ba Moshe.” Jesu, a le lilemo li leshome le metso e ’meli feela, a phehisana le bona. ’Me eaba mohla . . . Le a bona, ke seo motho a se etsang ho Lona.

135 Empa Jesu o itse, “Ekare ha Ke sa etse mesebetsi ea Ntate oa Ka, le se ke la lumela ho ’Na. Hobane, mesebetsi eo Ntate a ’Neileng eona ho e etsa, e paka hore Ke Mang.”

136 Mang? Motho mang le mang ea romiloeng ke Molimo, Molimo o paka mesebetsi eo A mo khethetseng ho e etsa. Haeba e sa etse joalo, Lengolo ha le e tšehetse, e tlohele.

137 Esita le kahara Testamente ea Khale, ba ne ba ralile mokhoa oa ho tseba haeba e lokile kapa che. Ba ba theola, molori, kapa—kapa moporofeta, kapa e ka bang mang, ba ba theolela ho Urime Thammime. E ne e le Leseli le mohlolo.

138 Kamehla Molimo o mohlolo, o sebetsa ka matla a phahametseng tlhaho. Ha feela Molimo a le teng mono, mohlolo o teng, haeba e le Jehova Molimo.

139 ’Me, athe, ho sa tsotelehe toro e utloahala hantle hakakang, haeba e ne e sa halime holim’a Urime Thummime eo, e ne e fosahetse.

140 Joale bopr<sup>ista</sup> ba khale ba Aarone bo felile, empa le joale re sa na le Urime Thammime. Ena ke tšenolo ea Jesu Krete, ho Mo senola kahara Lentsoe lena. ’Me ntho efe feela e khahlano le Lentsoe leo ha se Molimo; khahlano le Lona. Empa Molimo o a Ipuella. O Itsebahatsa ka Lentsoe la Hae.

Ke hona moo Jesu a hlotseng Satane. “Ho ngoliloe . . .”

141 Ebe Satane ke enoa a khutla, ’me a phutla mapheo a kena hape. A re, “E, ho boetse ho ngoliloe . . .” Empa khetlong leo, ha a fihla, a thulana le e—e motlakase o boima. Khetlong lena tlabola mapheo a hae. A tloa mono, ke hona.

142 A re, “Ho ngoliloe, ’Motho a ke ke a phela ka bohobe feela, empa ka Lentsoe le leng le le leng le tsoang molomong oa Molimo.’ Tloha ho ’Na, Satane!” Ua bona?

143 Lemohang se hlhileng. Esale Molimo a Itsebahatsa ka Lentsoe la Hae la pallo. Joale hola Bafarisi bao ba hetla morao, Moshe o itse, “Morena Molimo oa lona o tla le hlhisetsa Moporofeta ea joaloka ’na.” Seo se ne se le Lengolong.

144 Empa ha ho makatse ha Jesu a leboha Ntate, ho re, “Kea U leboha, Ntate, U patetse mahlo a ba bohlale le ba masene Sena, ho E senolela masea a batlang ho ithuta.”

145 Mohla A reng ho Petrose ka letsatsi leo, mohla ba neng ba theoha. Ha A ne a re, “Ke le Mora motho batho ba re Ke mang?”

146 “E mong oa bona o itse U ‘Eliase,’ ’me e mong o re U ‘Moshe,’ le joalo.”

A re, “Empa ha se potso eo. Ke botsitse lona.”

Ho re, “U Kreste, Mora Molimo o phelang.”

147 A re, “U lehlohonolo Simone, mora Jona, ha se nama le mali tse u senoletseng hona. Ha u a ithuta eona seminaring, ha ho motho ea u rutileng eona, empa ke tšenolo.” Oh, khili! “Holim’a lejoe lena Ke tla haha Kereké ea Ka, ’me likhoro tsa lihele li ke ke tsa E hlola,” tšenolo, kapa boitsebiso ba Jesu Kreste.

O itse, “Ekare ha Ke sa etse mesebetsi ea Ntate oa Ka, le se lumele ho ’Na.”

148 Joale ha re keneng leetong. Re Mo fumana . . . Joale ha re feteleng khaolong ea 17. Re Mo fumana mona khaolong ea 17, moo A iponahalitseng ho Abrahamama kamora netefatso ea sena, ho bontša seo A tlang ho se etsa.

149 ’Me joale, hopolang, Moea o theohela holim’a . . . ’Me Moea o ka har’a Kereke, Kereke ea sebele, Kereke ea ’nete, Kereke ea Molimo, batho ba Molimo; Moea o ka ho bona, o teng, oona Moea o holima Kreste, ka tšepiso, “Mesebetsi eo Ke e etsang le tla e etsa le lona.”

150 Hopolang, khetlo le leng thakhisong, pejana feela ho eona, ba Mo koahela sefahleho ka lesela, a Mo bata hloohong, ka lehlaka, ho re, “Joale haeba U le Mora Molimo, eona . . . U a—U moporofeta, ba mpoellela. Porofeta, moporofeta!” Ba feta thupa, “Re bolelle hore U otliloe ke mang.” Na le bona liabolosi eo? Ua bona?

151 A re, “Kea utloisisa hore U moetsi e moholo oa mehlolo. Fetolela majoe ana bohobe. Ere ke U bone o e etsa. Ke tla—ke tla—ke tla U lumela ha U ka e sebetsa joalo, fetola majoe ana bohobe. Ke tla lumela. Ke tla e etsa.”

152 Monna o mpoletse nakoana e fetileng, a re, “Haeba u ka hlahisa motho a le mong ea folisitsoeng, ka polelo ea ngaka!”

153 Ke itse, “Oh, mohau, monna, khutsa. Bathong!” Ke itse, “Ke tla tlisa lingaka ka makholo.”

A re, “Ke na le lidolara tse sekete tse o emetseng, ha u khona.”

154 ’Me ka tlisa lingaka, ka mathata. A re, “Be, chelete e kahar’a . . .”

155 Ka re, “Ke batla chelete eo e le nyehelo ea boromuoa.” ’Me o itse . . . “Ho romela motho ea lumelang Evangeli, mose ho maoatle.”

156 A re, “Be, e re ke nke ngoananyana, ’na le baena ba ka re eme haufi, ’me re tla mo poma letsoho, ’me u e folise hantle mona ka pela rona, ’me re tla lumela ho uena.”

157 Ka re, “U hloka pholiso ea kelello.” Ke hantle haholo. Monna ea nang le liabolosi hakana!

158 Eena ea itseng, “Haeba U le Mora Molimo, ha U le eena, theoha sefapanong.” Oh, athe Biblele e boletse A ne a tlamehile ho leketla sefapanong!

159 Kaiifa o itse, “O pholositse ba bang; Eèna ha A khone ho Ipholosa.” A sa tseba hoo, empa tlotla e kholo ka ho fetisisa A kileng a fuoa. Haeba A Ipholositse, A ke ke a pholosa ba bang. O ne a tlamehile ho Inehela.

160 Ehlile, O tsebile ea Mo otlileng, empa ha A soasoe le liabolosi. Molimo ha se sesoasi. Ha a soasoe le liabolosi. Mesebetsi ea Hae e romeloa ba lumelang, e seng ho soasoa ka eona.

161 Lemohang, O ipontšitse eèna mona a le lilemo tse mashome a robong le metso e robong, 'me A iponahatsa ho eena ka lebitso la Molimo o matla oohle. Lebitso mono, ka Seheberu, ke *El Shaddai*.

162 Joale, Molimo o tšoare mabitso a supileng a menahaneng, a topollo. Re tseba seo. 'Me u ke ke ua a arola ho Kreste. U ke ke ua a arola. Kreste o phethile le leng le le leng la mabitso ao a menahaneng, a topollo. U lumela seo? [Phutheho e re, “Amen.”—Mohl.] Eena, na u lumela hore ke Jehova-Jireh, “sehlabele se hlhisitsoeng ke Morena”? [“Amen.”] Joale ho ka thoeng ka *Jehova-Rapha*, “Morena o folisa maloetse a hau kaofela”? [“Amen.”] 'Me haeba hoo ho ne ho sa lebisoa ho Kreste, joale E ne e se Jehova-Jireh. Ka baka leo u ke ke oa e arola, ntho eohle e tlanngoe 'moho, 'me ke moo. E ke ke ea eba Jehova-Rapha ntle le ho ba Jehova-Jire, le joalo E ke ke ea eba Jehova-Jire ntle le ho ba Jehova-Rapha. “Athe O hlabetsoe litlolo tsa rōna, re folisitsoe ka maqeba a Hae.” Ha ho khang ea Eona.

163 Joale mona rea fumana, O hlaha ka lebitso la *El Shaddai*, “ea Matlaohle.” Eona . . . Ruri, lentsoe, lentsoe la Seheberu *shad*, s-h-a-d, ba bang ba le qapolisoa “shade.” *Shad* le bolela “letsoele,” joaloka letsoele la mosali. 'Me A ipontša ho eena ka lebitso la *El Shaddai*, ea leng bongateng, *matsoele*. “Ke Molimo ea Matsoele. Abrahamama, lilemo tse mashome a robong le metso e robong, tsamaea ka pela Ka! Phethahala, lumela Lentsoe la Ka! Lula o ntse o lumela! Ke tšepisitse, ho mashome a supileng a metso e mehlano; ke ena, e se e le—e se e le lilemo tse mashome a mabeli a metso e mene joale esale Ke u etsetsa tšepiso.” 'Me ke eng a—e ne e loketse ho ba matšelisoa a makaakang ho monnamoholo, ea lilemo tse mashome a robong a metso e robong. 'Me matla a hae ohle a nyametse, 'me Molimo ke enoa o eme ka pel'a hae, ho re, “Ke 'na *El Shaddai*. Ke Molimo ea Matsoele.” Amen. “Any a matla a hau ho 'Na. Ke 'na matla a hau.”

164 Joaloka, joaloka Testamente e Ncha le ea Khale, Molimo-ea-Matsoele. “Ke 'Na Molimo ea Matsoelea, any a matla a hau ho 'Na.”

165 Joaloka lesea ha le kula, le tsielehile; a kula, a fokola, a itšetleha ka letsoele la 'ma lona 'me le anyesa matla a lona ho

tsoa ho 'm'a lona. Ka mantsoe a mang, "Abrahama, ha u letho u mpa u le lesea ho 'Na." Lilemo tse mashome a robong le metso e robong, ha eso be le nako, bophelo ba hae.

<sup>166</sup> Hopolang feela, Jesu o thakhisitsoe, joaloka maobane. Lilemo tse sekete lefatšeng—lefatšeng, ke letsatsi le le leng feela ho Molimo. Le a bona, joalokaha A thakhisitsoe maobane.

<sup>167</sup> 'Me lemohang, "Ke 'na El Shaddai. U lesea le lenyenyane, le fokolang. Empa itšepise sefubeng sa Ka, tšepiso ea Ka, 'me u anye matla ho 'Na. Ke 'na 'mopi ea fehileng maholimo le lefatše, ea behileng linaledi kantle koana. Na ho teng ho ka sitang Molimo? Ke El Shaddai, 'me u ngoan'a Ka. Leha u fokola, 'me Ke u lumella ho ba joalo ho bona seo u tlang ho se etsa ka eona. Ke tla behela batho mohlala ka morao ho mona, hore motho a tle a lumele Lentsoe la Ka. Ke tla ema le Lona. Ho sa tsotelehe se hlokoang, ho nka nako e kae, Ke tla e etsa. Ke tla ema le Lona. El Shaddai! Anya matla a hau ho 'Na."

Oh, u re, "Hola nka lumela . . ."

<sup>168</sup> E sa ntse e le El Shaddai. E sa ntse e le Molimo ea Matsoele, Testamente e Ncha le ea Khale. Anya matla a hau ho Eona, oh, sohle seo u se hlokoang. Ngoana, ha a na thuso, o tlameha ho anya matla a hae ho 'm'ae; ke eona feela tsela eo a ka fumanang matla a hae. Ke eona feela tsela eo molumeli a ka fumanang matla a hae, ke ho a anya Lentsoeng la Molimo. Ao ke matla a hae, litšepiso tsa Molimo ho eena. Ema 'me u E lumele!

<sup>169</sup> 'Me ha se feela lesea mona le emeloang ha le kula, le tšoenyehile, 'mè a ka mo sika ho eena—sefuba sa hae, 'me o qala ho anya matla a sona; le khotsofetse ha le ntse le anya.

<sup>170</sup> Ho joalo le ka ngoana oa sebele oa Molimo. Ho sa tsotelehe seo mobelaeli a se buang, seo e se lumelang. Haeba u E lumela ruri, Jesu a ke ke a bua leshano. U kholisehile hore E senoletsoe uena. U tšoere tšepiso, 'me ha ho letho le tla e thibela. "Holima lejoe lena Ke haha Kereke ea Ka," le a bona, la moea, Lentsoe la 'Nete le senotsoeng.

<sup>171</sup> Ha u ntse u letile, u phomotse tumelong ea hau, nka tšepiso ea Molimo. "Ke a U lumela, Morena. U ntšepisitse ho mpha kolobetso ea Moea. Ke phomotse ho ea Hau . . . tumelo. Tumelo ea ka eo ke nang le eona ho Uena, ke hula mohloling oa ka, bakeng sa mohloli oa ka, ho tsoa—ho tsoa . . . bakeng sa bophelo ba ka bo botle, ho tsoa mohloling oa Hau, Lentsoe.

<sup>172</sup> "Motho a ke ke a phela ka bohobe feela, empa o tla anya matla a hae sefubeng sa Molimo." Lentsoe le leng le le leng le tsoang molomong oa Molimo, na o tla amohela matla a hae joalokaha A tsoa e—e molomong oa Molimo, Lentsoe.

<sup>173</sup> Joaloka Abrahama, Abrahama o ne a phomotse. Joale a phetse le Sara esale e—e le ngoanana e monyenyane. E ne e le khaitseli ea hae, 'me o ne a phela le eena 'me a mo nyala. 'Me,

eena, o ne a ena le. . . E ne e le nyopa. O ne a se na bana. 'Me ke enoa joale, o se a. . . haeba a le mashome a robong-. . . mashome robong-robong. O lilemo li mashome a robeli a metso e robong, mashome a robeli a metso e robong. "Empa, Abrahama, phomola tumelong ea Lentsoe la Ka. Ke tla u tšepisa, Ke tla e etsa. Ke 'Na El Shaddai. Ke Molimo ea Matsoele ho bana ba Ka ba lumelang." Haeba u sa batle ho anya, be, u se hlole u bua ka eona, u a bona. Empa haeba u le ngoana, u a anya, u phomotse, tšepiso e 'ngoe le e 'ngoe!

174 Lemohang, tumelo ea sebele e iphomolela holima lefika le tiileng la tšepiso ea Lentsoe la Molimo. Ha e ritse. Tumelo ea sebele e ankoriloe.

175 Joaloka naleli ea leboea, naleli ea leboea ke tšiea e tlamellang ho monga sekepe ka seng, tšupakhutlo e supa naleli eo ea leboea feela. 'Me Molimo, Lentsoe, ke naleli ea Mokreste e mong le e mong, haeba u lahlehile, 'me Moea o Halalelang ke oona o u supisang ho Lona. E ke ke ea supa letho lesele. Mekha e meng eohle, le joalo-joalo, le—le Bokreste bo lubakane ho eona, e ka bang eng; e tšoana le lefatše, le a ritsa, le fetola linaleli tseo, empa le ke ke la fetola naleli ea leboea. Le joalo ha ho letho le ka fetolang Lentsoe la Molimo. Anhora ho Lona, lula le Lona!

176 Joale, tumelo ea sebele ha e ritse le litumeloana le lithuto tse entsoeng ke motho, le ho se lumele. E tiisetse Lentsoe hantle, tumelo ea sebele Lentsoeng.

177 'Me u ka tšetleha tumelo ea haunthong efe haese Lentsoe? Haeba Molimo a e buile, le E tiisetse ka monoana, Ke 'nete. Ha e ritse. E anya sefubeng-Buka ea Molimo, Bibehe, ea Hae—litšobotsi tsa Hae, seo A se tšepisitseng. Seo A se tšepisitseng, leo ke Lentsoe la Hae. Lentsoe le a Itlahisa. Eka khona e be mohopolo pele ho Lentsoe, e ntano ba Lentsoe; e be moo Lentsoe le bonahatsoang, 'me ke hona moo u ka ntšang matla a hau—a hau teng. Ho lumela! Ho lumela! Hobane 'Mopi. . . Ho lumela, joaloka ha A entse, 'Mopi ea entseng lefatše.

178 Testamente e Ncha e boletse, morao mona, "Joaloka ha Moshe a fanyehile noha felleng, le Mora motho o tšoanetse ho fanyehoa." Morero o tšoanang. E ne e le eng? Ba ne ba belaela Molimo, 'me maloetse le mathata tsa kena. 'Me a phahamisa noha. Bakeng sa eng? Bakeng sa pholiso ea bona le bakeng sa tšoarelo ea bona. Ke seo e neng e le sona. 'Me borase bo lekanya kahlolo e Khethehileng; 'me Jesu e ne e le noha eo e ahlotsoeng, ehlile, polelo ea borase.

179 Joale, hoba A tiise selekane, kapa selekane sa bonahatsoa ho eena, e fa bara ba 'nete ba Molimo tumelo. Lentsoe le aba tumelo, Ea-Matsoele. E—e ba etsetse ho hong ha e—e ha Lentsoe, kapa ha selekane se bonahatsoa, e fana ka tumelo ho bara ba 'nete ba Molimo.

180 Joale rea tseba, re a eelloa hore, tabeng ena, O ne a bitsoa Elohim. Lentsoe hape, phetolelong mona, le bolela “Elohim.” Ho e sheba feela, ho ikholisa. Elohim! ’Me *Elohim* ke “Rabokhoni-bohle.” Ke El Shaddai, Elohim, Molimo-ea-Matsoele, Rabokhoni-Bohle. Ha A hloke letho ho motho e mong. Ke botlalo ba hau bohle.

181 Lemohang, taba eo e pakiloe mona, ke hlokometse thapama ena ha ke ntse ke bala, ho Jobo, Jobo. O bitsoa “Elohim.” ’Me Jobo o ile a songoa, a tlokoa; joang, ke setšoantšo se joang kajeno. Empa Jobo o ne a phomotse tšepisong ea Elohim, “Leha liboko tsa letlalo li se li sentse ’mele ona, empa ke tla bona Molimo ke le nameng ea ka, eo ke tla iponela eëna.” Ho phomola ka ho Elohim, ho sa tsotelehe se tlang.

182 Mosali oa hae a tla, a re, “U shebahala u le malimabe, Jobo.” ’Me batšeliseli ke bana ba etla, “Oh, na u bona se u hlahetseng, moshanyana oa khale? Ke u boleletse hore u fositse, ka linako tsohle. Na u bona se etsahetseng?” Batho ba bangata ba rata ho hafela batho joalo.

183 Jobo e ne e le monna ea molemo ka ho fetisisa mehleng ea hae. Monna ea molemo ka ho fetisisa eo Molimo a neng a e-na le eena lefatšeng e ne e le Jobo. A bolella Satane, “Ha ho ea tšoanang le eena.” Amen. “Na u kile ua mo ela hloko?”

184 Satane a re, “E, ntho e ’ngoe le e ’ngoe e mo tsamaela ha bonolo. Pshatla lerako ’me u ’nehe eena. Ke tla U rohakisa ka eëna sefahlehong sa Hau.” O entse sohle seo a se khonneng, empa o sitiloe.

Jobo o ne a phomotse tšepisong eo.

185 Mathaka a feta, ’me a re, “Joale, joale o kae Molimo oo ’ohle oo u buileng ka ona? Uh-huh, sheba eng, uena—u Mo lumela e le sena, sheba—sheba se etsahalang joale.”

186 Empa a ’na a phomola ho El Shaddai, ho sa tsotellehe haeba mathopa a hae a ne a siphoha ’me bophelo ba hae bo itšoanela le bo felileng. O ne a lutse thotobolong, a ikhoabitla mathopa.

Mosali oa hae a re, “Uena . . . Hobaneng u sa rohake Molimo oa shoa?”

A re, “U bua joaloka mosali ea sethoto.” Oh, khili!

187 “Morena o neile, ’me Morena o nkile, ho bokoe Lebitso la Morena. Ke tšepa Elohim. Leha A senya ’mele ona, liboko tsa letlalo li o ja, empa ke tla bona Molimo ke le nameng ea ka, eo ke tla ’mona ka bonna; mahlo a ka a tla bona e seng a e mong.” O tsoile, ho Mattheu 27, mohla bahalaleli ba hlahang, ba tsoa ba kena, empa haholo . . . ba kena motseng. Eona papiso ea kajeno, le joale ho letiloe, ho ntse ho tšepuoe tšepiso.

188 Lemohang ka mora hoba A hlahe ka Lebitso lena, Lebitso la Molimo o Matlaohle.

189 Joale, kereke, joale re ka fumana thutonyana mona, e ka batlang e le tšophahane ho uena. Haeba u sa e lumele, ho ho uena. Re mona feela, ke tla bua seo ke se nahanang. U na le tokelo ea ho nahana seo u batlang ho se nahana.

190 Empa, lemohang, empa lintho tsena tsohle e ne e le “lipapiso, liriti, le mehlala,” kamoo Bibe le li boletseng. Ke tseo tsohle. 'Me sena ke, Molimo o sebetsana le Abrahama leetong, joaloka ha A tla sebetsa ka Peō ea borena ea Abrahama leetong. Lemohang, O sebetsa le Bajuda ka ho tšoana. Ntho eohle e qalile ka mono, tšepisong eo ea selekane; lichaba tsohle, batho bohle.

191 Lemohang ka mora ho hlaha ka Lebitso lena la Molimo o Matlaohle. 'Me o ne a senoleloe hoba E ne e le Rabokhoni-Bohle. O ne a se na bathusi; O ne a sa hloke letho, bangoli bafe. O ne a le mong, Molimo. E ne e le Molimo, a le mong. 'Me O iponahalitse ho Abrahama ka Lebitso lena, 'me eareha A itlhahisa ho eena ka Lebitso lena, 'me Abrahama a elelloa hore E ne e le Mang, O fetotse lebitso la Abrahama. Joale o fihlile botlalong ba ho lumela joale. Na le bona moo Kereke e fihlileng teng? Kea tšepa le ka bala lipakeng tsa mela. Ho nyolohela moo A senoletsoeng hoba Eo e neng e le Mang, 'me eaba O fetola lebitso la Abrahama hore tšepiso e tle e phethiso.

Joale u re, “Ha ho letho ka lebitso.”

192 Joale hobaneng A ile a fetola lebitso la Abrahama ho tsoa ho Abrame ho ea ho Abraham? Hobaneng A fetoletse lebitso la Jakobo ho tloha ho *Jakobo*, “mothetsi,” ho ea ho *Iseraele*, “khosana ho Molimo”? Hobaneng A fetoletse lebitso la Saule ho Pauluse? Ehlile, lebitso la hae, ruri, le hlile le bolela se seng. Ruri ho joalo. Haeba u sa reoa hantle, Molimo o tla le fetola, haeba A u bitsitse. E, monghali.

193 Lemohang, O fetotse lebitso la hae mona joale, ho tloha ho Abram ho ea ho *Abraham*, e bolelang, “ntata lichaba,” ho eketsa h-a-m, Abrahama. Ka baka leo A etsa hona e le hore tšepiso e tletseng e tle e phethoe. 'Me mora joale, ea neng a tšepisitsoe halelele hakana, a ka bonoa, kapa, ka mantsoe a mang, ho senoloa, mohla A ne a fetola lebitso la hae le hoba a elelloe hore E ne e le Mang. E ka ba eena, o hopotse e le moifo oa bona; empa a elelloa hore E ne e le Elohim, Molimo a 'notši. Empa, hoba a etse hoo, eaba O fetola lebitso la hae. A re, “Joale, Abraham, ha u sa bitsoa Abram, empa *Abraham*, bakeng sa, 'ntata lichaba,' eo Ke u entseng eena.” Abraham, joale, o maamong joale. O maamong ka morao ho tšenolo ea hore Ke Mang. Hona joale O maamong a ho bona mora a senoloa.

194 Mora o itokiselitse ho tla, ho senoloa. Oh, bana ba Abrahama!

195 Lemohang, O fetotse lebitso la moromuoa oa Hae, hantle nakong ea qetelo. Haisa-isa feela, e le mashome a robong le metso e robong, ho setse selemo se le seng, 'me O fetotse lebitso la hae

ho tsoa ho Abram ho ea ho Abraham. Ho fetolela lebitso la hae, ho ekeletsa h-a-m, e bolelang “ntate.” E ne e tla ba ntate, ntate oa tšepiso; ntate, tšepiso.

<sup>196</sup> Oh, haeba le e-na le temoho ea moea, mamelang! Ka morao ho tšenolo ea Lebitso la Hae, ea hore E ne e le Mang, O fetotse lebitso la hae. Joale ka morao ho tšenolo, joale O khahlola lefatše, “ha ho sehlopha sa Melimo; o Mong,” joale ke nako ea tšenolo bakeng sa Mora ea tšepisitsoeng ho senoleloa Peō ea borena ea Abrahama, ea tšepiso.

<sup>197</sup> Shebang, O le fetotse ho tsoa ho Wesley, Baptise, Presbeteriene, Pentekosta. Ha ke tsebe haeba nka bua sena kapa che. Ha u a tlameha ho e lumela. Empa ke tšepa u tla ntšoarella, hoba ha ke batle ho u utloisa bohloko.

<sup>198</sup> Empa, shebang, ha ho eso fihle moromuoa ho likereke tsa—tsa Molimo, historing eohle ea nako, e kileng ea fumana moetapele, ho tloha lihlabollong, joaloka moetapele oa rōna kajeno, Billy Graham, hantle, hobane o ile lefatšeng lohle. Ua bona? 'Me, lemohang, ha re eso fumane monna, mohlabolli ofe. . . Re nka Sankey, Moody, Finney, Calvin, Knox, e ka bang mang, Wesley, Luther, ha ho ea kileng a bitsoa h-a-m, pele. Moromuoa a le mong eo re kileng ra mo fumana mengoaheng ea kereke, ea bitsoang h-a-m; G-r-a-h-a-m, Graham.

<sup>199</sup> 'Me Graham ke litlhaku tse tšeletseng, 'me tšelela ke palo ea motho, letsatsi la motho; motho o bopiloe, ho—ho Genese 1:26, ka letsatsi la botšelela. Empa supa ke palo ea Molimo; letsatsi la bosupa, Molimo oa phomola. E seng tšelela, ho supa G-r-a-h-a-m enoa o tla be a lebisitsoe kerekeng e lefatšeng; empa, A-b-r-a-h-a-m, Abraham ke litlhaku li supile.

<sup>200</sup> Ho re, “Ha ho letho ka lipalo.” Ha u tsebe lipalo tsa Bible ea hau. Ua bona? U hlile u tla E fosa joale. Ruri.

<sup>201</sup> Molimo o “phethehile” ka *borarō*, le “ho rapeloa” ka *bosupa*, le ho “lekoa” ka bo *mashome a mane*, 'me “lijubile” ka bo *mashome a mahlano*, oh, sohle seo le batlang ho se etsa. Lipalo tsohle, Bible e sebetsa ka lipalo.

<sup>202</sup> Lemohang, ea botšelela ke moromuoa ea tla romeloa lefatšeng. 'Me, lemohang, ea bosupa ke palo ea Molimo.

<sup>203</sup> 'Me le lemohe nakong ena ea ho hlaha joale, kapa ho senoloa ha Mora. Mohla e. . . E tla senoloa, Mora. Ba se ba elelletsoe Lebitso la Hae, ba tsebile hore E ne e le Mang. Ke El Shaddai, ea Matlaohle, Elohim. Empa joale re thehela nakong eo Mora oa tšepiso a tla Itšenola. Mora, Isaaka ka Sebele ea tšepisitsoeng, o mothating oa ho hlahella temeng.

<sup>204</sup> 'Me A ke ke a e etsa pele A romela le ho fetolela lebitso la hae ho tsoa ho Abram ho ea ho Abraham, hobane, “ntata lichaba, e ne e le eēna.” Lemohang, *-ham*, h-a-m, “ntate, ntata lichaba.”



205 Shebang kamoo e tšoanelehang ho Malakia 4, “Ho khutlisetsa Tumelo, morao ho bontate,” Peō ea Abrahamama ho khutlisetsoa Tumelong eo ntate Abrahamama a bileng le eona, Peō ea hae ea borena. Malakia 4 e tla phethahatsoa, ke ho khutlisetsa hape Tumelo e kileng ea ba teng morao koana tšimolohong, ho E khutlisetsa ho Peō ea borena ea Abrahamama. Ke tšepiso. Ke tšepiso e tiileng. Peō ea Borena e tla senoloa, ’me ka e . . . ka Peō ea Borena, e leng Peo ea Borena, ea Kreste. Kreste ke Peo ea Borena. ’Me Peō ke Moea o Halalelang o ahileng lipelōng tsa batho ba lumelang ho Molimo, ba bolokang Lentsoe la Hae, ’me Molimo o sebetsa ka bona, ho jara Molaetsa o tšoanang. “Ho se ho se hokae ’me lefatše ha le sa tla Mpona, empa lona le tla Mpona; Ke tla ba le lona, le ka ho lona. ’Me mesebetsi eo Ke e etsang, le lōna le tla e etsa.” Ua bona, ho e senola matsatsing a qetelo mona, kamoo e tlamehang ho fihla.

206 Joale, shebang khaolo ea 18 joale. Hang hoba lebitso le fetohe, Molimo o a hlaha, ho Itšenola ka nama. Kamora hoba Lebitso le tsebahatsoe, hore Ke Mang, Molimo o hlaha nameng. Abrahamama, tsatsi le leng le chesang, liveke tse ’maloa feela kapa likhoeli pele Sodoma e chesoa ’me Isaaka a fihla temeng. ’Me, lemohang, Abrahamama o lutse tlasa eike ea hae.

207 ’Me Lota o tlase Sodoma, ’me ba thabela menyaka ea lefatše. Koana, ke Molisa Lota, mohlomong a na le phutheho e ntle tlase mono. Sohle seo a se entseng, Bibeletse, “Bokhopo le libe tsa—tsa mehla li ne li sotla moea oa hae o lokileng.” Kahoo o tlameha a be a ne a atetsoe joaloka boLota ba bangata ba sejoale-joale kajeno, empa o tsebile a ke ke a bua letho ka eona. Ka hona lemohang, e ne e le eo.

208 Empa Abrahamama, hoba A senoleloe eèna, joale, Elohim e ne e le Eèna ea buileng le eèna. Joale o lutse tlasa eike, ’me ke mona ho tla monna ba bararo, ba tsamaea joaloka batho. Sheba khahlamelo ea tšenolo, ea hore Molimo e ne e le Mang, e bileng holima Abrahamama, seo e se entseng ho eena. Hoba lebitso la hae le fetoloe ho tloha ho Abram ho ea ho Abraham, o bone ho tla Monna ba le bararo, ’me a bitsa ba bararo, a le Mong, “Morena oa ka.” Ba bararo ba bona, a le Mong. Ha ho joalo ka palo ea tšelela, Lota; o bone ba babeli ba etla, ’me o itse, “benghali ba ka.” Pono ea Abrahamama le tšenolo li mo supisitse hoba E ne e le Elohim ea Ruileng bokhoni-Bohle. Peō ea hae e tla amohela ntho e tšoanang.

209 Lemohang kamoo A Itšenotseng, kamoo A Itsebisitseng, hore o ne a nepile kapa che. Lemohang, ho ba lumelang ka ’nete, pontšo eo A e entseng. O ile a etsa’ng, ho mo tsebisa hore eo e ne e le Elohim?

210 Joale, o itse, “Morena oa ka.” Ke tlhaku e kholo M-o-r-e-n-a. Moithuti ofe feela, u a e tseba; moithuti ofe feela o a tseba hore ke Elohim, Rabokgoni-Bohle, Elohim.

Monna o kile a re ho 'na, ka mohla o mong, "Ha u lumele hoba eo e ne e le Molimo?"

211 Ke itse, "Ke hlile ke etsa joalo. Abrahamama o itse E ne e le Molimo. O buile le Eena; o lokela ho tseba." Ee.

212 "Oh," a re, "u re Molimo o eme mono o ja nama eo ea namane eo, le—le ho noa lebese la khomo, le ho ja bohobe ba poone, ho sa tsotellehe hore na u batla ho e bitsa'ng mono?"

213 Ka re, "O e entse. Khele, u mpa u sa tsebe Molimo oa rōna." Be, khele, A ka khona feela . . . Khele, A ka nanabela feela . . .

214 Re bopiloe ka lielemente tse leshome le metso e tšeletšeng; petroleamo, leseli la k'hosmiki, le potashe, le k'halsiamo, le joalo-joalo, lielemente tse leshome le metso e tšeletšeng feela. A mpa a e shoba 'moho, 'me a bululela ka ho eona, le ho thehela lefatšeng. Ke thabile ha E le Ntate oa mofuta oo. Leha liboko tsa letlalo li senya 'mele ona, koana O tla u bitsa. O tšepisitse A tla e etsa. Ke Elohim. A rutla ka seatla se seng, 'e ho re, "Tloo koano, Lengana," kapa eng, Mangeloi, "le ho theoha. Ha re theoheng re shebe Sodoma, ho bona se etsahalang."

215 'Me Abrahamama, ka morao ho tšenolo, o e bone 'me o tsebile hore Molimo o ne o le mong. 'Me o e bone, 'me o itse, "Morena oa ka, fapohela, lula fatše, ke hlatsoe maoto a Hau." Joale, ha a ka ba a re, "morena . . ." 'Me, sheba, e ka—e ka tlhaku e kholo mono. Mang le mang o a e tseba. Ke tšoere Emphatic Diaglott. Le a bona, ke tlhaku e kholo M-o-r-e-n-a, "Morena," Elohim, Rabokhoni-Bohle. Ho re, "A nke ke tlise metsana 'me ke hlatsoe maoto a Hau, 'me ke U fe senkhoe sa bohobe, U ntoo ka tsoela pele tseleng ea Hau."

216 Helang, mona ke siuoa ke nako. Ke mpe ke potlake. Ke—ke batla ho fihla mona, 'me ha ke tsebe mohla ke tla khona. Le 'mamelle nakoana e seng kae, ha ke re? [Phutheho e re, "Amen."—Mohl.]

217 Lemohang, Elohim, Rabokhoni-bohle, Molimo. 'Me O itse . . . Shebang seo A se entseng.

218 Joale, ba babeli ba Bona ba qala, ba lula ba sheba tlase nqa—nqa Sodoma.

219 'Me A re, "Le nahana hore Nka patela Abrahamama sephiri sena?" Ha A etse letho pele A le senolela baporofeta ba Hae. Ua bona, O ba tsebisa eona. 'Me A re, "Nke ke ka pata sena, kaha a—a hlohonolofalitsoe ke Molimo 'me o tla rua lefatše, le joalo-joalo. Peō ea hae e tla etsa, ka mantsoe a mang, e tla ba ntata lichaba tse ngata. Nke ke ka e patela eëna. Ke tla mo tsebisa." 'Me eaba O re, ho qala a mo senolela.

220 'Me O itse, "Abraham," e seng Abram. "Abraham, o kae mosali ao hau, S-a-r-a-h?" O tsebile seo joang? Be, letsatsi feela pele ho moo, e ne e le Abram, letsatsi kapa a mabeli pele ho moo.

'Me e ne e le Sarai, 'me joale ke Sarah. 'Me eena ke Abraham. Ho re, "Abraham, mosali oa hau o kae, Sarah?"

Abrahama o itse, "O ka tenteng, ka mora Hau."

221 A re, "Ke tla u etela ho ea ka nako ea bophelo. 'Me mora enoa ea tšepisitsoeng, o mothating oa ho hata temeng joale. U tla e fumana."

222 'Me Sarah, ka sebele sa hae, a batla a tšeha, ho re, "Ke se ke tsofetse, 'me ke tla boela ke thabe le morena oa ka, athe le eena o se a tsofetse?" Ntho e kang eo, ka hona, hoba o ne a—o ne a le mashome a robong, 'me eena a le lekholo. "'Me na nka boela ka etsa hoo?"

223 'Me Lengeloi, moromuoa, Molimo nameng ea motho, o itse, "O tšehile ke'ng?"

224 E ne e le netefatso. Hobaneng? Ho supa hobane tšenolo e ne e lokile. Ho supa hore seo a Mo bitsitseng sona, Elohim, o ne a nepile. Hobane, E ne e le Lentsoe. E ne e le . . . Ho Baheberu, khaolo ea 4, temana ea 12, e itse, "Lentsoe la Molimo le bohale le fetisa sabole e leolitsoeng ka nqa tse peli, 'me le senola mehopolo le merero ea pelo." 'Me eitseha Abrahama a bona sena, keha a khotsoe hoba o ka Mo bitsa, "Elohim." Elohim, E ne e le Lentsoe, "Eena maobane, kajeno, le kamehla."

225 Lemohang mohla Jesu, Peō ea borena ea Abrahama, a neng a fihla temeng. O Itšenotse ho peō ea Abrahama ka tlhaho, ka pontšo eona eo. 'Me ba Mo bitsitse, "Belsebule." E ba fofalitse, bomosalumele, ba fofalitsoe 'me ea ba qosa ho nyefola, le ho ba isa liheleng. Empa ea neha balumeli pono ea Bosafeleng, ba khethetsoeng Bophelo Bosafeleng.

226 Lemohang, Jesu o tšepisitse hore . . . matsatsing a qetelo, pejana feela Mora motho a khutla, hore O tla fihla le ho Itšenola, mehlang ea matsatsi ao Mora motho a senoloang ka ona, Peo ena ea borena ea Abrahama e ne e tla bona pontšo eona eo. Joale lemohang, mohla A ne a bolela, eo—eo ke Santa Luka 17:28 le 30, "'Me joaloka matsatsing a Sodoma." Joale, Jesu o buile sena. Ha kea jara boikarabelo ba eona. O . . . Ke jere boikarabelo ba ho e bolela, ho bua seo A se buileng. Empa, Jesu o boletse sena, "Joaloka matsatsing a Sodoma, ho tla ba joalo ho tleng, ho tleng ha Mora motho," joale lemohang, "matsatsing ao Mora motho a tla senoloa ka oona, mohla Mora motho a senoloang ho Kereke ea Hae."

227 Joaloka ho Abrahama. E ne e le Molimo, A lula a ntse a theoha; ho tiisa selekane, ho elleloa hoba E ne e le Mang, 'me lebitso la hae la fetoloa. Lemohang, la fetoloa pejana feela A fihla holima leralla, ho sheba holima Sodoma, pejana feela Mora oa tšepiso a fihla.

228 Jesu o buile sona setšoantšo seo. Jesu o ne a bala eona Bibeale eo ke e balang 'me le lona le ntse le bala. Ha u batla ho tseba seo

e neng e le sona, khutlela morao u bone seo ba neng ba se etsa matsatsing a Sodoma. Lemohang, e sengs hakaalo matsatsing a Nohe (O buile ka mekhwa ea bona e litšila, kamoo ba neng ba e ja, ho noa, ho nyala, ho nyalisa), empa ka hara Sodoma.

<sup>229</sup> Joale “ha e sa tla ba metsi hape,” Molimo o e tšepisitse ka pontšo ea mookoli. O re fa pontšo. Kamehla O hlahisa lipontšo. Mookoli. . . O lula a hopola lipontšo tsa Hae. Kamehla ho tšepahala ho oona lilemong tsohle, ka ho se hlolehe ho hlahisa pontšo eo ea mookoli. Kamehla O hlahisa lipontšo tsa Hae. Lemohang.

<sup>230</sup> 'Me pontšong eo, O tšepisitse ho se hlole a timetsa lefatše “ka metsi hape,” empa O le boletse le tla “cha.” 'Me lemohang Jesu mona o re, “Joalo ka ha ho bile matsatsing a Sodoma,” lefatše la Balichaba le ne le tlil' o timetsoa. Basodoma!

<sup>231</sup> Joale shebang boitšoaro bo hlephileng ba lichaba. Shebang boitšoaro ba kereke, joaloka feela ka Lota. Shebang se hara bona: monna, G-r-a-h-a-m, ho ba phatlola, boralipolotiki bao, ho kereke ea tlhaho. Joale holim'a kereke ea moea. . .

<sup>232</sup> Lihlopha tsa batho li tharō kamehla. Bao, balumeli, bomosalumele, le baipehi-balumeli. Ba ba fihlela letšoeleng ka leng. Haeba le utloile khatello eo ke e utloileng, u ka ba tseba hore ba ne ba le teng mona bosiueng bona. Ka hona, ke hona, u. . . le borarō bohle. Lemoha, ke moo, lihlopha tse tharō tseo tsohle li teng ka mehla.

<sup>233</sup> Joale haeba u ka bona hoba e ne e tla ba ntho e tsoanang mohla Mora motho a neng a tla senoloa ho Peo ea borena ea Abrahamana, ka Krete (Kreste ke Peo ea Borena), mohla A senoloang matsatsing a qetelo. Joale, ho latela malulo, lefatše le lutse hantle, hoba Mora ea hlahileng Bochabela o likela Bophirimela. “Me e ne e le letsatsi le lerootho,” ha etsoa mekhatlo, mekhatlo ea malumeli, “empa Leseli le tla chaba nakong ea mantsiboea,” moporofeta Jeremia o boletse. Joale, 'me matsatsing ao Mora eo, Le chaba ka morao ho maru a mokhatlo oa bolumeli, ho Itšenola, O itse lefatše le tla be le lutse joaloka matsatsing a Sodoma, 'me Mora motho o tla Itšenolela batho ba Hae hape. Shebang kamoo A e senoletseng peō ea Isaaka; shebang kamoo A tla e senolela Peō ea borena, Monyaluoa oa Borena, Mofumahali. Mofumahali ke Peō ea borena.

<sup>234</sup> Joaloka ha Molimo o ntšitse sechaba ka har'a sechaba, Egepeta, O ntša Kereke kerekeng, kapa Monyaluoa ho kereke; Kereke ho tsoa ho kereke. 'Me masalla a Peō ea mosali, ke sona se neng se setse, “ho na le lillo le le liboko le litsikitlano tsa meno, hoba ba ne ba se na Oli maboneng a bona, Moea o Halalelang,” kamehla e ne e bapisitsoe. Ke bao he.

<sup>235</sup> Malulo a lutse hantle. 'Me joale ho sheba holim'a leralla. Joale, Kereke, Abrahamana; Lota; Basodoma. Lefatše; kereke;

Mokhethoa. Kereke, Monyaluoa, ho tsoa ho kereke. Re lutse ka mokhoa o nepahetseng. Lefats'e le ntse le le hula ka thello hantle.

<sup>236</sup> Khopamiso! Ntho e 'ngoe le e 'ngoe e khopamisitsoe. Hoo, ke tla le bolella, ntho e 'ngoe le e 'ngoe ke lebastere. Bao. . .

<sup>237</sup> Kea theoha, ke bone letšoao le lehlo, ho re, “Koro ea lebastere.” Hobaneng, ha e molemo. Che. Hoo ho loketse ho tlolakisa lōna bahanyetsi ba molimo. Mohla Molimo o no o re, “Peo e 'ngoe le e 'ngoe e hlahise ea mofuta oa eona.” 'Me u ka kopanya poone e nyalisitsoeng 'me oa e etsa poone e shebahalang hantle, empa u ke ke oa boela oa jala seo hape; ha ho bophelo ho eona.

<sup>238</sup> 'Me re sebelitse kereke ka eona tsela eo. Re e khabisitse, ra e ntlafatsa ka phatsimo ea mokhatlo oa bolumeli, empa ha e na Bophelo ka ho eona. E ke ke ea hlahisa bopaki boo ba Bibehe hape. Le a bona? E ke ke ea hlahisa bopaki ba tsoho ea Krete. Ke taba ea lenyalisoa.

<sup>239</sup> Batho ba apereng hantle ho feta, ba lefshoang, malumeli a maholohali, a ruileng, a Mongoaha oa Laodisea, hantle. “Morui, ha u hloke letho; athe ha u tsebe hobane u malimabe, soto, sefofu, le mofutsana, u feela, 'me ha u tsebe.” Hola motho a tsebile hoba o feela, u ka qoqa le eena. Empa ha a sa e tsebe, ke tšobotsi e malimabe eo, e haulang. U se ke oa soma batho, u mpe u ba utloele bohloko. Ho ka thoeng holane u le maemong ao? Ho ka thoeng holane Lentsoe le sa senoleloa uena, u ne u tla etsa'ng? Ho ka be ho thusa'ng, holane mahlo a hau a ne a foufetse hoo u sa khoneng ho E bona? Ke pono e hlomolang pelo.

<sup>240</sup> 'Me hantle feela, malulong. U ke ke oa e supa ka monoana; ke eo moo e lutseng, hantle feela seo A se boletseng se tla etsahala. “Mehlolo ena e tla hlaha matsatsing a qetelo.” Le bona moo e lutseng teng, hantle feela.

<sup>241</sup> Joale shebang, ho tsoalisa. Le a tseba, haeba ntho efe eo ke. . . U a nka, joalo ka ha u nka e—e—e—e tonki, le ho e tsoalisa ka pere, pere, ke rialo, 'me u fumana eng? U fumana mulete. Empa mulete oo ha o khone ho itsoala hape. Le a bona? Molimo o itse, “A peo e 'ngoe le e 'ngoe e hlahise mofuta oa eona.” Joale phetohobutle ea lona e tsoa kae? Projeke ea lona e ahlotse seo le ipoletseng le se lumela. Molimo o itse, “Peō e 'ngoe le e 'ngoe e hlahise mofuta oa eona.” O ke ke oa boela oa itsoala. Che, che. Ho felile ka ona.

<sup>242</sup> 'Me ke nahana hore mulete ke e 'ngoe ea—ea lintho tse sethoto tseo nkileng ka li bona. U ke ke oa o ruta letho. O tla lula mono ka litsebehali tseo tse telele, le a tseba, 'me o tla ema ho fihlela motsotso oa ho shoa ha ona ho u raha, pele o eshoa. O mpa feela. . .

<sup>243</sup> U ke ke ua o ruta letho. E nkhopotsa. . . O tla lula mono, 'me u tlohe ho o bolella lintho, e nkhopotsa batho ba itseng, ba ipolelang hore ke balumeli kajeno. Litsebehali tse telele, ba lutse

mono, 'me, "Matsatsi a mehlolo a fetile. Huh! Huh! Huh!" Ha a tsebe moo a tsoang teng. Ha a tsebe letho ka Lona. O tseba ho le hong feela e leng tumeloana e itseng ea kereke.

<sup>244</sup> Empa e re ke u bolelle, ke hlompha ntho ea lesika. Moshanyana, e ka thella ka lesika la eona. A ka u bolella hore ntate oa hae e ne e le mang, 'mama oa hae e ne e le mang, nkhoona oa hae, ntemoholo e ne e le mang. Ke leloko.

<sup>245</sup> Ho joalo le ka Bakreste bao ba mali ba lesika, ba ka e khutlisetsa ka kotloloho Bukeng ea Liketso le ho bona moo ba tsoang teng, Mokreste oa lesika, ea tsoetsoeng ke Moea o tsoanang, ntho e tsoanang, ho itsoara ka ho tsoana.

<sup>246</sup> Le bona bahlorisi ba le bang; litonki le lipere li ntse li fula 'moho. Ke hantle. Ke uena eo. U tlameha ho e fumana, leha ho le joalo. Lena ke letsatsi la lenyalisoa.

<sup>247</sup> Ke bone seratsoana ho *Reader's Digest*, nakoana e fetileng, "Tsoelang pele le fepa basali nama ena e nyalisitsoeng le—le lintho, ba ke ke ba ba le masea a bona. Ba a fetoha. Ba eba sephara mahetleng, 'me ba phathahana matheka." Khele, eona, u a tseba motho o itsenya ka tsoelopele kamehla.

<sup>248</sup> Khutlelang ho Molimo! Lumelang Molimo. Khutlelang ho Peō ea tšimoloho. Khutlang le E lumele. Le balile pale ea ka. . . le tsoere liteipi tsa ka, ke rialo, kea kholoa le li utloile, ka: *Peō Ea Tšimoloho*, le *Sefate Sa Monyaluo*, le lintho tseo, e leng 'nete. Morena o tseba seo.

<sup>249</sup> Kamoo lintho tseo li boletsoeng pele, likhoeli le likhoeli. Lona batho, seo le se bonang mona, ke lethoana feela, seo le se bonang se etsahala. Botsang batho ba leng teng, botsang haeba e kile ea hloleha le ka mohla. Ho senola batho, lithothomelo tsa lefatše, lintho tse tlang ho hlaha. Moea o Halalelang o a re bolella. Na ho joalo? [Phutheho e re, "Amen."] Motho o teng esale a . . . Ehlile. Le batho ba fapaneng.

<sup>250</sup> Joaloka Marilyn Monroe, pele a eshoa. Ba re o ipolaile. Ha a etsa joalo. O bolailoe ke lefu la pelō. Ruri.

<sup>251</sup> Monna enoa, mohlabani enoa. Lerako la Maginot mane Jeremane. Lintho tseo tsohle, ke likete tsa lintho feela, ka ho phethahala botsekeng, nako le nako. E ke ke ea eba letho haese Moea o Halalelang. Le a bona? Le a bona? O e tšepisitse.

<sup>252</sup> O nehelane ka lintho tse supileng 1933, li tla etsahala. 'Me joale e 'ngoe le e 'ngoe ea tsona e etsahetse haese lintho tse peli, ka phetheho, hantle feela. Kamoo esita le Mopresidente Kennedy a tla kenngoa. E hantle ka mono libukeng tsa ka hona joale, e boletsoe lilemo tse mashome a mararō a metso e merarō tse fetileng, hantle. Kamoo Lerako la Maginot le tla hahuoa, lilemo tse leshome le motso o mong pele le hahuoa. Kamoo Hitlelara a tla hlaha, le—le Bofasime, le—le Bonazi, le ntho eohle ho itlamella ho bokomonisi, 'me bokomonisi bo tla

senya Bokatolike. 'Me bo tla etsa joalo, e, ho sa tsotelehe seo ba se etsang. 'Me ea bontša, ho thoe ho tla ba le Lekhotla la Ecumenical, le kamoo likereke tsohle li neng li tla teana 'me li tla bopa setšoantšo se bitsoang Letšoao la Sebata. U ba bona hantle ba le tseleng, hona joale. Hantle haholo. E tlameha ho etsahala, hoba ha eso hlolehe ho hlaha.

<sup>253</sup> Motho mang ea e tsebang le ka mohla, mang le mang, ho ba potisa lefatše, ha eso hlolehe le ka mohla. Likhoeli le lilemo pele ho nako, e botsekeng hantle. Ke Molimo hara lona, batho; Molimo ka ho rona, Moea o Halalelang. Lemohang, Jesu o itse Peo ea borena e tla tsebahatsoa ka ho tšoana, mona ho Luka khaolo ea 17. "Oh, khutlang, oho lona ba hasaneng, ho tsoa malumeling a lōna, ho ea ho ba habo lōna."

<sup>254</sup> Mang le mang oa rōna a ka lumela Molimo. . . Ha u lumela Molimo, u a tseba Molimo o folisa bakuli. Ha ho potso ea letho. Khele, haeba u sa lumele seo. . . Ua tseba, ba itse matsatsing ao, "Jehova, rea tseba A ka folisa, empa A ke ke a pholosa." Joale, "A ka pholosa, empa A ke ke a folisa." Le a bona, liabolosi o a tšoana, ntho e tšoanang. Ke Mopholosi le mophekoli 'moho. Ke Jehova-Jireh le Jehova-Rapha.

<sup>255</sup> Oh, khutlang! Hopolang, O tšepisitse malulo ana, a ntho e 'ngoe le e 'ngoe e lutseng ka mokhoa oa joale, hore e tla etsahala. O itse e tla etsahala, 'me e tlameha ho etsahala.

<sup>256</sup> Baheso, ke masoabi. Ke le tšoaretsetse ho fihla nako e tlotse joale. Ha re inamiseng lihlooho tsa rōna motsotso feela, ke tla. . . Ke tla qetella taba ena, mohlomong, hosane bosiu. Ke tšoere maqephe a mang a tšeletseng a lintlha mona. Inamisang lihlooho tsa lona nakoana feela. Ebang le hlomphe, motho e mong le e mong.

<sup>257</sup> U ka hanana le 'na; u na le tokelo nthong eo. Ke na le tokelo ea ho hlalosa seo ke se nahanang. Ke ne ke nkile Lengolo. Joale, ho sa tsotelehe seo nka se buang, ha Molimo o sa se tšehetse, e tla ba Urime Thammime ha e sebetse, e latotsoe. Ho sa tsotelehe kamoo e utloahalang e hlabosa, le kamoo e utloahalang e nēpile, Urime Thammime e tlameha ho e bontša. Peō e tlameha ho phela. Haeba e sa etse joalo, etlaba e ne e se joalo.

<sup>258</sup> Joale, bakeng sa pholiso, ke lekile ho le bolella hore ha ke mofolisi. Banna ba bangata ba teng ba ipitsa bafolisi. Hape ho na le—le basomi ba bangata ba bitsang motho bafolisi, hoo, ho e le ho soma feela. Pelo ea bona ha e a loka ho Molimo. Ua bona? Mang le mang o a tseba hore ha ho motho ea ka folisang e mong. Molimo o folisa maloetse. Ere Molimo a memele lefu la hau, 'me u rapele kahohle kamoo u batlang, 'me sepetelele se u hlaba ente ea lero letsatsi le letsatsi, 'me koana u tla shoa ka ho tšoana.

<sup>259</sup> Ha nka seha letsoho la ka bosiu bona, le ho ema mona ka letsoho le khaohileng, ha ho moriana lefatšeng o ka folisang letsoho la ka. Ha re na moriana o folisang. Ha ho moriana o

folisang. Ngaka efe feela e tla u bolella hono. O mpa u hloekisa nakong eo Molimo o folisang. O ke ke oa melisa mesifa. Ha nka khekhetha letsoho la ka, 'me, "Oh," u re, "e, Moena Branham, moriana o teng ho folisa hoo." Ho lokile, ke batla ho tseba seo o leng sona.

<sup>260</sup> E re ke u bontše. Ha nka khaola letsoho la ka 'me ka oela fatše mona, ngaka e ne e ka fihla ea noka setopo sa ka 'me ea etsa hore ke shebahale ka tlhaho ka lilemo tse mashome a mahlano. Ho rokella letsoho la ka, le ho 'ntšetsa kantle mono le ho ntlhaba penisilini, letsatsi ka leng, 'me lilemong tse mashome a mahlano ho tloha joale leqeba leo le ne le tla itšoanela le mohla le neng le etsoa. Haeba—haeba moriana o entsoe ho folisa leqeba, ke hobane'ng ha o sa u folise? Moriana ofe oa ka folisang leqeba letsohong la ka, o ka folisa lepatso holim'a deske ena, o ka folisa ho taboha ha jase ea ka. Haeba o ka folisa leqeba, o tla folisa leqeba ho sa tsotelehe moo le leng teng. "Be," u re, "khele, moriana o etselitsoe batho." Ka hona hobaneng o sa folise? "Be," u re, "bophelo bo tsoile ho uena." Ka hona e teng ntho e folisang kathoko ho moriana.

<sup>261</sup> Ke bophelo, ehlile, 'me bophelo ke Molimo. Ruri, ho joalo. Leha ho le joalo, ba bang ke baetsalibe, ba bo khopamisitseng, empa leha ho le joalo u setšoantsong sa Molimo. 'Me bophelo boo u nang le bona boo Molimo a u fileng bona. U tseba seo; che, hobane Molimo ke mofolisi. Bophelo ke mofolisi. U lumela seo, u a bona. Le bone lintho tse ngata li etsoa!

<sup>262</sup> Joale ha re Mo amoheleng, na le ke ke la etsa joalo? Pele re etsa hoo, ke a ipotsa ke ba bakae ka mona ba kholisehileng, pele. . . Haeba le le batho ba bacha mona, ha u eso fihle mona pele, hore u lumela ha E le Mora Molimo? 'Me ka sena, Molaetsa bosiuang bona, Lentsoe feela, le pele A etsa letho, hore u a Le lumela, 'me u batla hore ke u hopole thapelong, phahamisa letsoho la hau. Na u ka etsa? Oh! Molimo a u hlohonolofatse. Oh, khili! Matsoho a makholo a mararo kapa a mane. Molimo a le hlohonolofatse.

<sup>263</sup> "Tumelo e tla ka kutlo, kutlo ea Lentsoe." Lebaka leo ke boletseng joalo, Peō e tla rekoloheloa ke Molimo. Kea kholoa joale, sebakeng sa—sa ho mema mola oa thapelo holimo mona, ke tla le kopa ho rapela.

<sup>264</sup> Ha nke ke le fe Lengolo, pele. Ka seo re se etsang, e tšoanela ho lumellana le Mangolo. E tlameha ho khema le Mangolo! Molimo o ke ke oa hlomphe letho lesele. Molimo o ke ke oa hlomphe leshano; le tseba seo. Le—le ke ke la Mo amantša le seo. Ha O hlomphe mashano. O hlomphe Lentsoe la Oona feela. Empa O tšepisitse, ho re, "Lentsoe la ka le ke ke la khutlela ho 'na le le feela. Le tla phetha seo Le se reretsoeng." 'Me re bona Lentsoe le abetsoeng kajeno. Ho sa tsotelehe ho hlaha ho se



lumele hakae lihahelong, Molimo o tla hlompha Lentsoe la Oona mohla O fumanang tumelo ho Le hlompha.

265 Joale kae-kae ka mohahong, ke batla le nke Lengolo lena. Baheberu khaolo ea 3, kea kholoa ke eona. Biblele e boletse, hore, “Ke Moprasta e Moholo, hona joale, ea ka angoang ke maikutlo a mahlomola a rōna.”

266 'Me uena ea phahamisitseng letsoho la hau, ke batla lona, hang ha tšebeletso e koaloa mona, ke batla hore u nyolohe 'me u eme mona 'me u rapelloe, ho amohela Krete joaloka Mopholosi oa hau. Tloha u ee ho e 'ngoe ea likereke tse ling tse ntle mona. Ho sa tsotelehe moo e leng teng, motho ea rerang Evangeli, e-ea ho bona 'me u kope kolobetso ea Sekreste. 'Me molisa o tla u nka ho tloha moo ho ea pele. Ke monna oa Molimo. O bilelitsoe ho ba monna oa Molimo, o tla—o tla u nka ho tloha moo ho ea pele. Feela, hola ke le motseng mona, ke ne ke tla ba setho sa tse ling tsa likereke tsena mona. Ke ne ke tla kena ho bona, bao ba lumelang Evangeli. Ke ne ke tla ba teng mono. Ruri, ke ne ke tla iketsa setlama le bona, hoba ke seo u hlokang ho se etsa. 'Me ke seo u hlokang ho se etsa.

267 Joale, haeba E le Moprasta e Moholo ea ka angoang ke maikutlo a mefokolo ea rōna, joale esale Eena maobane, kajeno, le kamehla, ka baka leo O tla lokela ho sebetsa joaloka ha A entse maobane.

268 Joale shebang, mosali e monyenyanane o kile a ama seaparo sa Hae, khetlo le leng, eaba O retoloha a tseba se neng se mo tšoare, le ho 'molella tumelo ea hae e mo pholositse. 'Me a utloa, ka ho eèna; ha a ka a tsotella mahlaba a letho ho e paka. O ne a sa tlameha ho e paka.

269 Ha u leke lintho. U lumela Molimo. Ua bona? Ha u kholise Molimo, ho hang. U ke ke ua paka, ho pholosa bophelo ba hau, Molimo o teng, ho tsoela kantle mona feela le ho re, “E re ke 'Mone.” Ua bona, u tlameha ho lumela ho Eèna.

270 Lihlomo tsohle tsa Molimo ke mohlolo. Lerato, thabo, tumelo, mamello, tiisetso, bonolo, le a bona, tsohle tse mohlolo. Re sheba lintho tseo u ke keng oa li bona ka leihlo la hau la nama.

271 'Me Krete o teng mona bosiueng bona. O e tšepisitse. “Moo ba babeli kapa ba le bararo ba kopaneng ka Lebitso la Ka, Ke teng mahareng a bona. Ke teng!” Eona “Ke” hape, O teng mona. Joale, “Esale Eèna maobane, kajeno, le kamehla.”

272 U rapele, 'me u re, “Morena Jesu, ke a kula,” kapa seo u se hlokang. “Ke—ke a hloka, 'me ke—ke batla Uena, Molimo o ratehang, ho nkauhela, le ho mpholisa le ho mphelisa. 'Me joale haeba ke na le tumelo e lekaneng, Morena, ho U ama. . . Ke—ke tseba Moena Branham a sa ntsebe. Ke osele. 'Me kea tseba ha a ntsebe. Joale, haeba—haeba monna eo a mpoleletse 'Nete, etsoe ke e lumela e le eona, hobane e tsoa Lentsoeng la Hau hantle. Ke Le balile, ke Le bona le bonahala le lokile ka ho phethahala.

Joale E netefatse. Ke itlaleha ke le Peō ea Abrahamana, ka Krete, ke ipitsa Peō ea borena, ho lumela ho Jesu Krete, Peō ea Borena. 'Me ke lumela hore ke karolo ea Monyaluoa oa Hae, Kereke ea Hae eo A e tlelang. 'Me ke a kula 'me ke a hloka. Ka kopo, Morena Jesu, e re ke ame seaparo sa Hau. Le ho con- . . . le ho ntiisetsa eona ka ho bua ka Moena Branham, joaloka ha A tšepisitse hore etlaba 'joaloka matsatsing a Sodoma.' E re feela ke . . . e re a mpoelle seo ke se nahanneng, ho se rapella, seo ke se batlang, seo litlhoko tsa ka li leng sona, ntho e itseng ka 'na." U etse seo, e etse feela.

273 Ntate oa Leholimō, joale ntho eohle e matsohong a Hau. Joale sena ke phetho seo nka se etsang, kapa monna ofe, nka bua feela seo U se buileng *Mona*, 'Nete. Joale se tiise, Morena, e le 'Nete. Ke buile ka Uena. Bua hore ke boletse 'Nete. Ka Lebitho la Jesu Krete. Amen.

274 Ke le batla feela—feela ho lumela, eba le tumelo feela. Joale ho se be motho phetheselang. Lulang le apere tlhomphe ea makhonthe. Ke batla le nahane hore ka pel'a lona mona ho eme, Krete, ea tshileng bafung; ho kena le ho phunyeletsa hantle marakong khetlo le leng, ho ja bohobe, ho re, "Mphopholetseng, Ke nama le masapo," le ho nyamela hantle pel'a bona. Joale O—O tšepisitse A tla hlaha matsatsing a qetelo, ka sebopelo sa nama ea motho hape, nameng ea hau, joaloka ha A entse matsatsing a Sodoma. Molimo, e neng e le Krete, ea bonahalitsoeng nameng, joale ka hara Kereke ea Hae, Monyaluoa oa Hae. Le a bona, ba ntse ba kopana 'moho. Ke nako ea kōpano. Likereke li a kōpana, lichaba lia kōpana, 'me Monyaluoa le Krete ba kōpana. Ua bona, ke nako ea kōpano.

275 Joale lumela feela, habonolo. U se ke ua leka ho ferekana le ho qobella ntho e 'ngoe, hoba ha u fumane letho. Feela—feela ka boikokobetso ho re, "Morena, ke a lumela." Motho e mong a etse seo feela. 'Me joale ke . . .

276 Ke ba bakae ba lutseng ka pela ka, haholo-holo . . . Joale, ke tseba banna bana *mona*, le bana ba *mona*. Ke tseba ba bang ba lutseng *mona*. Ho ka thoeng ka *mona* hantle, hantle feela ka pel'a ka? Tloong re tsepame holim'a sehlotšoana sena hantle ka *mona* kae-kae. Ba bakae ba eso bone Krete a Itsebisa joalo, ka . . . Ha re boneng matsoho a lona, "Ha ke eso e bone le ka mohla." Ke khohola mang le mang a e bone. Ho lokile.

277 Le rapele joale. Joale le apare tšabo feela. Ha ke tsebe hoba O tla khona. Nke ke ka rialo. E itšetlehile ho Eena. Na e tla u thusa ho lumela, ka matla ruri? Morena o utloa seo. O tseba lintho tsohle.

278 Monna ea lutseng hantle mono, o jeoa ke hernia. U a lumela Molimo o tla folisa hernia eo? U etsa joalo? Ha re tsebane, kea khohola, 'na le uena. Ha ke u tsebe. Ha ke eso u bone. Empa haeba

e le seo u nong u se rapella, phahamisa letsoho la hau. Haeba e le 'nete, phahamisa letsoho la hau, monna enoa ea lutseng. . .

279 Na le lumela seo—na le lumela Andrease a boleletse Simone ho tla bona hobane ba fumane Messia, 'me eitseha a fihla ka pel'a Sefahleho sa Morena Jesu. . .? Ereka ha u hokahane le ho Hong joale, thapelo ea hau. Ua bona, O 'moleletse na e ne e le mang. U a lumela Molimo o ka mpoella na u mang? Ha u ka e lumela, A ka e etsa. Na hoo ho ka u khothatsa ho lumela ka pelo eohle ea hau? Na bohle e tla le etsa joalo? [Phutheho e re, "Amen."—Mohl.]

280 Joale monna o phahamisitse matsoho a hae, hore sohle seo a se boleletsoeng. . . ha ke tsebe; ke tla lokela ho mathisa teipi, le a bona. E ka bang eng, e ne e lokile. Na ho joalo, monghali? [Moena o re, "Amen."—Mohl.] Ho lokile. E ka bang eng, e lokile.

Mongh. Shepherd, lumela ka pelō eohle ea hau. "Ha u ka lumela."

281 Joale taba eo ha e fete eo A e buileng, "Lebitso la hau u Simone, mora Jonase." Joale ha u ka lumela feela, ke phetho se hlokalalang. Le a bona? Joale ke eng? O tšepisitse seo. O fane ka tšepiso eo. Hoo ho bontša hore O teng mona. Eseng 'na feela; O ka ho lona. O 'Meleng oa Hae oa balumeli.

282 Mofumahali e monyenyanane, ea llang 'me a rapela, u inamisitse hlooho. Ho hlokoatsoa ke mofetše. Ha u ke ke oa tšoha, 'me u tla lumela, Molimo o tla u folisa ha u ka e lumela. O tlilo e fosa, ehlile. Mof. Hood, lumela ka pelo eohle ea hau joale, hore Jesu Krete o a u folisa, 'me u ka fumana seo u se kopileng. Joale na u tla e lumela ka pelō eohle ea hau? Amen.

283 Ho lutse hantle pel'a hau mofumahali ea tšeroeng ke mala, bothata ba pelo, mathata. Ha u lumela ka pelo eohle ea hau, u ka fumana pholiso ea hau. U e lumela ka pelō eohle ea hau, u tla e amohela? U etsa joalo? Ho lokile.

284 Monna eo mono ea tšeroeng ke hemoreje, na u lumela Molimo a ka folisa li-hemorrhoids tseo le ho u phelisa? Ema.

285 U nahanang ka eona, eo lutseng pela hae mono, ka hernia? U a lumela Molimo a ka folisa hernia eo le ho u phekola?

286 Leleiti le hau fi le sephaka sa hau mono, le jeoa ke hlooho. E nyametse joale. Ha ho joalo? U a bona, tumelo ea hau e e entse hoo. Ke phetho seo u lokelang ho se etsa, ke ho lumela feela.

287 Mofumahali ke enoa mona ea nang le daebetese. U a lumela Molimo o tla u phekola, mofumahali, ea lutseng mono ka daebetese? U a lumela Molimo a ka mpoella u mang? U a e etsa? Mof. Robinson. Ke lebitso la hau leo.

288 Bea letsoho la hau holima hae mono bakeng sa hernia eo, mohlomong Molimo o tla mo phekola, le eena. Haeba u e lumela! Na u tla e etsa? Ho lokile, monghali.

289 Mofumahali ea lutseng pela hau, bea letsoho la hau holima hae, monghali, o na le neuritis. U a lumela Molimo o tla folisa neuritis le ho u phelisa? Le uena, u ka fumana pholiso ea hau, hape. U tlameha ho e lumela.

290 Joale eo ke netefatso. Molimo o entse tšepiso, joale ke ba bakae ba lumelang hore Kreste o teng mona? Lea e lumela na? Joale, lōna bohle ba batlang, ka pela Sefahleho sa Hae joale, ea batlang mohau ho Eena, ea batlang mohau moeeng oa hau, 'me u batla ho Mo amohela joale u sa le ka pel'a Sefahleho sa Hae hantle, ho tsebahatsoa. Joale ke . . .

291 Monna a ka kena mona ka mehoabali ea lithakhisa matsohong a hae, le metopa ea meutloa a re, "Ke 'Na Morena." Moikaketsi ofe oa khale a ka etsa joalo. Empa, Bophelo! 'Mele oa Morena Jesu o lutse letsahong le letona la Boholo; mohla A tlang, nako ha e sa le teng, mohla 'mele oo o khutlelang lefatšeng. Empa Moea oa Hae o teng mona, Bophelo ba Hae bo paka ka boteng ba Hae mona. Ua bona? "Ke tla ba le lona, le ka ho lona, ho isa bofelong ba lefatše."

292 'Me u batla mohau ho Eena joale, na le ka emela polelo ea thapelo? Hohle ka moahong, lona ba . . . hohle moo le leng teng, na le ka ema? Molimo a le hlohonolofatse, motšeo koana. Ke hantle, tsoang le eme. Ema ka maoto a hau feela, ke phetho seo ke batlang hore u se etse. Ema motsotso feela, bakeng sa thapelo. Ha u ka Mo emela feela! Haeba u Mo soabela joale, O tla u hlajoa ke lihlong ka uena pela Ntate; 'me haeba u—haeba u ikemiselitse ho Mo paka joale, O tla u paka pel'a Ntate. "Joale ke batla ho amohela Kreste e le Mopholosi oa ka. Ke batla A ntlatse ka Moea oa Hae hona joale. Ke a Mo batla." Tsoang le sa eme motsotso feela, bakeng sa thapelo, ha le rata. Emang. Ke hantle. Ke batla. . . Ke utloa ke susumetsoa ho etsa sena, ho etsa a- . . . Ena ke memo ea aletare. Ema. Ha re na aletare eo re ka tlang ho eona; pelō ea hau ke aletare. Phetlela ho se lumele hohle morao feela, 'me u tsebe hore O teng mona joale. Emang ka maoto a lona, lona ba batlang ho amohela Kreste hona joale, ka pel'a Boteng bo Khethehileng boo u bo utloang, bo netefatsoang joale.

Joale ha re inamiseng lihlooho tsa rōna.

293 Morena Jesu, ke ba Hau. U itse, "Ha ho ea ka tlang ho 'Na a sa huloe ke Ntate oa Ka." 'Me joale ho latela mahlale, ba ne ba ka sitoa le ho phahamisa letsoho la bona; molao oa khoheli o re matsoho a rōna a tlameha ho leketla. Empa bophelo bo teng ka ho bona, 'me bophelo boo boatamelitsoe Bophelong Bosafeleng, Kreste. 'Me ba entse qeto pelōng ea bona, hore ba qetile ka lefatše. 'Me ba phahamisa matsoho a bona ba ema ka maoto a bona, ba hanela molao oa khoheli, hore bophelo bo teng ka mono. Ka ho tsoana re nyelisa molao oa lefatše le ho se lumele!

294 Ka Lebitso la Jesu Kreste, ke ba Hau. Ke lineo tsa lerato tsa Evangeli. Ke lihopotso tsa Molaetsa, bosiuang bona, le e . . .

Boteng ba Hau bo boholo bo nang le rōna. Ngola mabitso a bona Bukeng ea Bophelo ea Konyana, Mono, Morena. Re rapela hore—hore e mong le e mong oa bona a be teng Mono, joaloka bana ba Hau, baratuoa ba Hau.

<sup>295</sup> Ba tlatse ka Moea o Halalelang oa Molimo, ka lipelong tsa bona. Maphelo a bona a matahane hakana ke Matla a Molimo o Matlaohle, boikokobetso boo le lerato le mosa le bonolo li tla phalla li tsoa ho bona, le cheseho ho bona ba bang ba pholoso, ba kileng ba eba maemong a bona. Aba sena, Morena.

<sup>296</sup> Ntho feela eo re ka e etsang, Morena, ke ho lumela. 'Me ba eme e le sehopotso sa tumelo ea bona. 'Me joale ka tumelo ea ka le tumelo ea bona, 'moho, re e beha holim'a aletare ea Hau, ka tumelo. 'Me bona ke sehlabelo se robetseng mono, se emetseng Mora Molimo ea entsoeng sehlabelo ho ba amohela 'Musong oa Hae. Aba sena, Morena. Hona joale e ke e be ba Hau, ka Lebitso la Jesu Kreste.

<sup>297</sup> Joale lōna ba lumelang ho Eèna ka pelō eohle ea lōna, ba emeng, phahamisa letsoho la hau, ho re, “Kea Mo lumela. Ke Mo amohela hona joale e le Molopolli oa ka, 'me ke batla kolobetso ea Moea o Halalelang.” Phahamisa letsoho la hau. Molimo a u hlohonolofatse.

Joale le ka lula fatše.


<sup>298</sup> 'Me ke batla hore u kene kerekeng e itseng, joale, hang feela.

<sup>299</sup> Hosane bosiu re tla tšoara e—e kopano bakeng sa kolobetso ea Moea o Halalelang, hosane bosiu, hantle mona mohahong. Joale, bohanya bo bongata boo ba bo bitsang kolobetso ea Moea o Halalelang, empa hoo ha ho bolele hore Moea o Halalelang oa sebele ha o teng. Moea o Halalelang oa makhontho oa Molimo o teng, ka ho tšoana. 'Me ke lumela A tla kopana le rōna mona hosane bosiu.

<sup>300</sup> Joale, ba bakae ka moahong ba khotsoeng hore re nakong ea qetelo? [Phutheho e re, “Amen.”—Mohl.] Ke ba bakae ba kholisehileng hore hona ke 'Nete, Lentsoe le tlamehile le be le le tjena matsatsing a qetelo? Phahamisa letsoho la hau. [“Amen.”] Ke balumeli ba bakae? Tsokotsang matsoho a lona. [“Amen.”] Ho lokile. Jesu o buile Mantsoe ana, “Mehlolo e tla tsamaea le ba lumelang ke eona ena, haeba u le molumeli.”

<sup>301</sup> Joale ba hlokang Kreste 'meleng oa lōna ba bakae? Phahamisang matsoho a lona. Ho lokile, lona balumeli ba lutseng pela bona, beanang matsoho holimo. 'Me kamoo u rapelang kateng kerekeng ea hau, u rapela joalo mona. U se ke oa ithapella. U ba rapelle; ba u rapella. 'Me Bibeletse, “Ba tla beha bakuli matsoho, ba tla fola.” Joale rapela ka moo u etsang, le ka tšepiso.

<sup>302</sup> Morena Jesu, ke ba Hau. Ba amohele 'Musong oa Hau. Le ho folisa e mong le e mong, Morena; le lisakatuku tsena. Ka Lebitso

la Morena Jesu Kreste, aba sena, Morena. Satane o lahlehetsoe  
ke phuparo ea hae. Matla a Molimo o Matlaohle a folise e mong  
le e mong. 

64-0403 Jehovah-Jireh #2  
4-H Club Barn  
Louisville, Mississippi U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)